



BILTEN

GAZI HUSREV-BEGOVE BIBLIOTEKE

BROJ 9 / GODINA IX / SARAJEVO, 2023.

**GAZI HUSREV-BEGOVA BIBLIOTEKA
2014 – 2024.**

BILTEN

GAZI HUSREV-BEGOVE BIBLIOTEKE

BROJ 9 / GODINA IX / SARAJEVO, 2023.

Naslov: GAZI HUSREV-BEGOVA BIBLIOTEKA 2014 – 2024.

Izdavač: Gazi Husrev-begova biblioteka u Sarajevu

Za izdavača: Osman Lavić

Urednik: Šahsena Đulović

Redakcija: Ejla Ćurovac, Amina Kadribegović-Mehić,
Amela Lepir, Fatima Tinjak, Izudina Zukorlić

Lektor: Selma Omerović

Naslovnica i DTP: Ali Drkić

Štampa: Sabah Print

Tiraž: 300



GAZI HUSREV-BEGOVA BIBLIOTEKA 2014 - 2024.



UVODNA RIJEČ

Poštovani prijatelji Gazi Husrev-begove biblioteke u Sarajevu, posljednjih deset godina rada Gazi Husrev-begove biblioteke u Sarajevu u novim uvjetima predstavljaju kratak period u odnosu na njeno gotovo polumilenijsko trajanje. Ipak, ovo desetljeće se umnogome razlikuje u odnosu na prohujala stoljeća. U osam brojeva *Biltena* ove ustanove nastojali smo to pomno ubilježiti generacijama koje dolaze na vrednovanje i pamćenje. Ovaj broj pripremljen je u znaku desetogodišnjice preseljenja Gazijine biblioteke u novu zgradu.

U posljednjem desetljeću, Biblioteka je nastavila hoditi stazama svog osnivača Gazi Husrev-bega i biti na usluzi tragaocima za knjigom i naukom. Marljivo radeći na obogaćivanju, stručnoj i naučnoj obradi i prezentiranju građe nastojali smo odgovoriti potrebama naših korisnika i tako pozicionirati Biblioteku kao moderan, i vremenu u kojem djeluje, primjeren hram znanja. Preko hiljadu novih kodeksa rukopisa, tri hiljade arhivskih dokumenata na osman-

skom turskom jeziku, desetine hiljada štampanih knjiga, časopisa, dokumenata na bosanskom jeziku, fotografija i drugog bibliotečkog i nebibliotečkog materijala pridruženi su tokom ovog perioda osnovnim fondovima Biblioteke. O specifičnostima ovih materijala u posljednjih deset godina govorili smo objavivši 31 izdanje knjiga, deset novih brojeva časopisa *Anala*, više od pedeset pripremljenih izložbi, organiziranjem međunarodnih konferencija i naučnih skupova, primanjem stotina delegacija različitih nivoa iz zemlje i svijeta, te formiranjem Digitalne Gazi Husrev-begove biblioteke s milionskim pregledima korisnika. Nastojali smo paralelno i ravnomjerno razvijati sve segmente ove bosanske „bejtul-hikme“, bibliotečki, arhivski, muzejski, naučno-istraživački i kulturološki, kako bismo osigurali ispunjenje njene misije u punom kapacitetu „u skladu s potrebama vremena i prostora“ kako je njen utemeljitelj definirao uvjete za njenu „posestrimu“ medresu.

Njeni fondovi, posebno arhivska građa u formi rukopisnih djela, prepoznati su i uspješno kandidirani kao pokretna baština od svjetskog značaja. Na Generalnoj skupštini UNESCO-a održanoj 30. oktobra 2017. godine u Parizu, Rukopisna zbirka Gazi Husrev-begove biblioteke u Sarajevu upisana je u registar „Pamćenje svijeta“ posvećen pokretnoj svjetskoj kulturnoj baštini, što je i ozvaničeno 2018. godine dodjelom certifikata.

Ove i mnoge druge aktivnosti u proteklih deset godina realiziralo je tridesetak njenih uposlenika predvođenih Upravnim odborom Biblioteke. S izrazima poštovanja i zahvalnosti ističemo razumijevanje i podršku Uprave za obrazovanje i nauku i uopće Rijaseta Islamske zajednice s reisul-ulemom Husein-ef. Kavazovićem na čelu, bez čije pomoći i razumijevanja mnogi projekti Biblioteke ne bi bili realizirani. Spomenut ćemo i različite nivoe vlasti Bosne i Hercegovine i druge prijatelje Biblioteke kao što su Ministarstvo civilnih poslova Bosne i Hercegovine, Ministarstvo obrazovanja i Ministar-

stvo kulture i sporta Federacije Bosne i Hercegovine, Ministarstvo obrazovanja i Ministarstvo kulture i sporta Kantona Sarajevo, Fondacija za izdavaštvo, Fondacija za bibliotečku djelatnost, Općina Novi Grad, Turska agencija za razvoj (TIKA), Institut Yunus Emre u Sarajevu, Fondacija Mulla Sadra u Sarajevu, International Noor microfilm iz Nju Delhija, Institut za historiju iz Ankare (TTK), te veliki broj pojedinaca vakifa koji su Biblioteci ostavljali cijele biblioteke, arhivsku građu, fotografije, filateliju, muzejske artefakte i sl.

Uposlenici Biblioteke će i u desetljećima koja slijede nastojati biti svjetionikom nad prošlošću, kako bismo razumjeli sadašnjost i mogli nazrijeti ono čemu idemo u susret u budućnosti.

Neka nam je na tom putu Dragi Bog na pomoći.

mr. Osman Lavić
direktor Gazi Husrev-begove biblioteke

SAZIVI UPRAVNOG ODBORA BIBLIOTEKE U PROTEKLIH DESET GODINA

Upravni odbor (UO) kao najviše upravno tijelo Gazi Husrev-begove biblioteke u Sarajevu prvi put je formiran 2005. godine. U proteklih deset godina UO Biblioteke na svojim redovnim i elektronskim sjednicama, a u okviru svojih ovlaštenja, diskutovao je i donosio odluke i zaključke u tri saziva.

Po prelasku u novu zgradu Biblioteke prvi od tri saziva UO bio je već u svojoj drugoj mandatnoj godini, a sačinjavali su ga prof. dr. Ahmet Alibašić kao predsjednik UO te članovi mr. Behija Durmišević, dr. Munir Drkić, mr. Osman Lavić i Amina Kadribegović-Mehić. Ovaj sastav UO je svojom upravom upriličio i svečano otvaranje Biblioteke, što predstavlja i najvažniji događaj tog perioda. Direktor Biblioteke bio je dr. Mustafa Jahić do kraja 2014. godine i Muhamed Hodžić kao vršilac dužnosti u prelaznom periodu do početka 2016. godine.

Drugi saziv UO svoj rad preuzeo je krajem februara 2016. godine na mandat od četiri godine (2016-2020) u sastavu dr. Hilmo Neimarlija

kao predsjednik UO te članovi mr. Dževad Pleh i Nihad Mehmedović ispred Rijaseta Islamske zajednice i mr. Hamida Karčić, i Šahsena Đulović ispred kolektiva Biblioteke. Funkciju direktora tokom ovog saziva obavljao je mr. Osman Lavić.

Treći saziv UO Biblioteke konstituisan je polovinom februara 2020. na mandat od četiri godine (2020-2024) u sastavu dr. Hilmo Neimarlija kao predsjednik ovog tijela i članovi mr. Dževad Pleh i Nihad Mehmedović ispred Rijaseta Islamske zajednice i Fatima Tinjak i Ruhulah Hodžić ispred kolektiva Biblioteke. U ovom sazivu Upravnog odbora direktor Biblioteke bio je ponovo mr. Osman Lavić u svom novom četverogodišnjem mandatu.

Tokom svih ovih godina Upravni odbor obavljao je zadatke i poslove kao što su: provođenje konkursnih procedura i prijem novih uposlenika, razmatranje planova i izvještaja o radu, imenovanje komisija po raznim osnovama, davanje saglasnosti za učešće Biblioteke u značajnijim projektima i organizaciji naučnih skupova, te donošenje ostalih pravnih akata potrebnih za funkcioniranje Uprave i odjeljenja Biblioteke u svojoj ovlasti.



GAZI HUSREV BEGOVA
BIBLIOTEKA

46

GAZI HUSREV BEGOVA
BIBLIOTEKA
The Great Islamic Book Foundation

DAR DRŽAVE
KATAR

DONATED BY
THE
STATE OF QATAR

15. január 2019.
14. február 1435 h.g.



ZNAČAJNIJI PROJEKTI



UNESCO

Početakom 2017. godine uprava Gazi Husrev-begove biblioteke u Sarajevu je, u saradnji s Ministarstvom civilnih poslova BiH, pokrenula inicijativu da se bogata rukopisna zbirka Biblioteke upiše na UNESCO listu pokretne baštine od svjetskog značaja. Tim uposlenika Biblioteke je pristupio popunjavanju zahtjevnih formulara i prikupljanju dokumentacije kako bi se ispoštovala sva procedura za kandidaturu.

Na Generalnoj skupštini UNESCO-a održanoj 30. oktobra 2017. godine u Parizu, Rukopisna zbirka Gazi Husrev-begove biblioteke u Sarajevu upisana je u registar "Pamćenje svijeta" posvećen pokretnoj svjetskoj kulturnoj baštini, što je i ozvaničeno 2018. godine dodjelom certifikata.



MONOGRAFIJA GAZI HUSREV-BEGOVE BIBLIOTEKE

“*Monografija Gazi Husrev-begove biblioteke*” je objavljena 2017. godine u povodu 480. godišnjice postojanja i djelovanja ove institucije. Ona predstavlja ovu instituciju kulture u svim važnim segmentima njenog historijskog hoda, kontinuiranog rada i djelovanja. Njeni tekstovi nam pružaju uvid u riznice rukopisne i druge bibliotečke građe, te u događaje, aktivnosti, procese i ljude, koji su radeći zajedno na očuvanju i razvoju pisanog blaga Gazi Husrev-begove biblioteke, postali dio njene bogate historije.

Autori tekstova Monografije su Osman Lavić, Mustafa Jahić, Azra Gadžo-Kasumović, Ahmed Mehmedović, Muhamed Hodžić, Hamza Lavić, Madžida Smajkić, Haso Popara, Ismet Bušatlić, Fatima Tinjak, Hamida Karčić, Šahsena Đulović i Elvir Duranović. Recenzenti su prof. dr. Hilmo Neimarlija i prof. dr. Lejla Gazić.



Ovo je prva monografija Biblioteke u njenoj petostoljetnoj povijesti koja na svojim stranicama bilježi priču o tome kako se razvijala Gazi Husrev-begova biblioteka, prolazeći težak put kako bi danas bila ono što jeste, jedna od najrespektabilnijih kulturnih institucija u

Bosni i Hercegovini i jedan od čuvara kulturne baštine i pisanog naslijeđa naše zemlje.

Monografija sadrži 276 stranica teksta popraćenog ilustracijama i tvrdog je uveza. Štampanje Monografije je podržala Turska uprava za međunarodnu saradnju i razvoj (TIKA).

DIGITALNA BIBLIOTEKA

Krajem 2014. godine, uz stručnu pomoć prof. dr. Senade Dizdar s Odsjeka za komparativnu književnost i bibliotekarstvo Filozofskog fakulteta UNSA, sačinjen je "Prijedlog projekta digitalizacije stare periodike GHB". Ovaj projekat je uz djelimičnu finansijsku pomoć Ministarstva civilnih poslova Bosne i Hercegovine okončan krajem 2017. godine formiranjem digitalnog repozitorija Fonda stare periodike GHB.

U realizaciji projekta učestvovalo je 18 saradnika iz BiH i inostranstva; četiri bibliotekara, pet konzervatora i restauratora, tri informatičara, četiri knjižničara i dva studenta. Ovako osmišljenim projektom ostvareni su sljedeći rezultati:




- Razvijena je Digitalna biblioteka;
- Povećana je kvaliteta rada institucije u skladu s međunarodnim pravilima i dobrim praksama kroz standardizaciju procesa i proizvoda digitalizacije;
- Povećana je vidljivost Biblioteke na webu. U sklopu promotivnih aktivnosti putem društvenih mreža i interneta, primijećen

je porast interesovanja za fondove i Biblioteku općenito, čime se povećao broj kako direktnih tako i indirektnih korisnika;

- Biblioteka je predstavljena na znanstvenim skupovima. Uposlenici Biblioteke su predstavili rezultate projekta na nekoliko naučnih skupova u Bosni i Hercegovini i Republici Turskoj, nakon čega smo dobili više zahtjeva za razmjenu digitalne građe, kao i omogućavanje korisnicima iz drugih država pristup digitaliziranim materijalima;

- Bosanskohercegovačka kulturna baština i jezik dodatno su promovisani u web prostoru;



- Do decembra 2023. godine ukupno je pretraženo 2.039.235 stranica građe.

Osim Fonda periodike, postavljeni su temelji za razvijanje digitalnih repozitorija i drugih fondova Biblioteke, kao što su fondovi rukopisa, fototeke, arhiva i monografskih publikacija, čime je de facto formirana Digitalna biblioteka. Projektovano je softversko rješenje, čiji dizajn je urađen na način da zadovoljava specifičnosti pojedinih fondova Biblioteke. Projekat softvera za Digitalnu biblioteku predvidio je mogućnost kvalitativnog i kvantitativnog proširivanja uz zadržavanje svih stručnih i funkcionalnih karakteristika.

NOVE MUZEJSKE PROSTORIJE I POSTAVKA

S namjerom da se muzejska postavka Gazi Husrev-begove biblioteke aktivnije uključi u turističku ponudu grada Sarajeva i Bosne i Hercegovine, jer to bogatstvom, raritetnošću i raznovršnošću svojih eksponata zaslužuje, ali i s ciljem zaštite artefakata od poplava i vlage, tokom 2019. i 2020. godine pokrenut je projekt izmještanja muzejske postavke iz suterenskog prostora u prizemlje zgrade.

Po okončanju građevinskih radova formiran je tim za organizaciju nove muzejske postavke, u sastavu: Amela Lepir, Izudina Zukorlić, Amina Kadribegović-Mehić, Fatima Tinjak, Madžida Smajkić, Ruhulah Hodžić, Hamza Lavić i Meho Manjgo kao koordinator tima.

U fokusu nove muzejske postavke jeste *knjiga* koja je na naše prostore pristizala iz različitih dijelova svijeta, a potom je prepisivana, prevedena i što je najvažnije pisana u Bosni i Hercegovini. U tom kontekstu formirane su i tematske cjeline: Najstariji rukopisi i dokumenti na osmanskome turskom jeziku, Skriptorij u Foči (centar za prepisivanje, tj. za umnožavanje i širenje knjiga, osnovan u 16. stoljeću), Prve zvanične štamparije u Osmanskom Carstvu i Bosni i Hercegovini, Medrese i biblioteke u Bosni i Herce-

govini, Iluminirani rukopisi, a u centralnom dijelu muzeja u kojem će se organizirati povremene izložbe predstavljen je život i rad desetorice naših istaknutih učenjaka od 16. do 20. stoljeća.



HRONIKA MUHAMEDA ENVERIJA KADIĆA


Potpisivanjem protokola o saradnji između Gazi Husrev-begove biblioteke u Sarajevu i Instituta za historiju Republike Turske (Türk Tarih Kurumu), 26. decembra 2018. godine, zvanično su započele aktivnosti na pripremi za štampu rukopisa *Tarih-i Enveri*, čiji prijepisi se čuvaju u obje navedene institucije.



Navedeni autograf (R-7301-7328), koji je Muhamed Enveri Kadić strpljivo sabirao i pisao oko 50 godina i ispisao u 28 svezaka, na skoro 12.000 listova, ima poseban značaj za istraživanje historije i kulturne historije Bosne i Hercegovine u periodu od 1463. do 1927. godine.

Izvršena je opsežna priprema za realizaciju navedenog projekta, koja je uključivala nekoliko faza. Prva faza sastojala se od provjere postojećih rukopisnih primjeraka, određivanja najkvalitetnijih kopija, te digitalizacije nedostajućih listova Hronike, koji će biti predmetom obrade. Nakon utvrđivanja metodologije rada, u drugoj fazi su određeni timovi u obje institucije, koji su zaduženi za izradu regesti, njihovu redakciju, prijevod na bosanski jezik, kao i redakciju prijevoda. U trećoj fazi projekta izrađene su regeste arhivskih dokumenata u sastavu Hronike na savremenom turskom jeziku.

Trenutno su završene 2/3 teksta kada je riječ o prijevodu. Regeste se sravnjavaju s originalom uz ubiciranje nejasnih termina, te se vrše završne pripreme za izdavanje Hronike.



ANALI GAZI HUSREV-BEGOVE BIBLIOTEKE

Godišnjak *Anali Gazi Husrev-begove biblioteke Sarajevo* je naučni časopis u kome se tretiraju islamske naučne discipline i druge oblasti u vezi sa bibliotekim fondom i arhivskom građom Gazi Husrev-begove biblioteke, kao i kulturnim i historijskim naslijeđem Bosne i Hercegovine općenito.

Prvi broj ovoga časopisa štampan je 1972. godine a do danas su objavljena 43 broja *Anala*. U prethodnih deset svezaka *Anala* objavljeno je 130 radova na ukupno 3.028 stranica. *Anali* su vremenom, kako po kvalitetu radova, tako i po autoritetu redovnih i povremenih saradnika, izrasli u respektabilan časopis, prepoznatljiv i van granica naše zemlje. U njemu su svoje radove objavljivali i objavljuju historičari, orijentalisti, pravnici, lingvisti, bibliotekari i drugi naučni radnici, među kojima je i znatan broj bivših i sadašnjih uposlenika Biblioteke.

Časopis je indeksiran na Central and Eastern European Library, EBS-COhost Online Research Databases, ROAD (Directory of Open Access Scholarly Resources) i COBISS bazama podataka, te se nalazi na službenoj listi indeksiranih časopisa Univerziteta u Sarajevu.

Glavni i odgovorni urednik časopisa je mr. Osman Lavić, dok su članovi redakcije akademik Enes Karić, prof. dr. Fikret Karčić, dr. Aladin Husić, prof. dr. Munir Mujić, prof. dr. Munir Drkić, prof. dr. Ahmed Zildžić iz Sarajeva, dr. Hasan Džilo iz Skopja, dr. Azra Abadžić Navaey iz Zagreba, te dr. Ivan Ejub Kostić iz Beograda.



OBILJEŽAVANJE GODIŠNJICA BIBLIOTEKE

Preseljenjem Gazi Husrev-begove biblioteke u novu zgradu, 2014. godine, upriličena je svečanost otvorenja nove zgrade i obilježavanje 477. godišnjice postojanja i kontinuiranog rada ove institucije. Bio je to veoma značajan dan za Islamsku zajednicu i za sve građane Sarajeva i BiH. Biblioteku su zvanično otvorili reisul-ulema Islamske zajednice u BiH Husein-ef. Kavazović i ministar vakufa Države Katar dr. Gajs ibn Mubarak El-Kuwwari, a na svečanosti su govorili i predsjednik Predsjedništva BiH Bakir Izetbegović i tadašnji direktor Biblioteke dr. Mustafa Jahić. Povodom otvorenja nove zgrade organizirana je Sedmica otvorenih vrata kada je Biblioteku posjetilo više od 5.000 ljudi, a besplatno je upisan 4.281 korisnik. Cjelokupan događaj je izazvao neuobičajeno veliku pažnju javnosti i medija, a jedna lijepa priča iz Bosne i Hercegovine je otišla u svijet.

Od tada, svake godine u mjesecu januaru, uposlenici Biblioteke na prigodan način obilježavaju njenu godišnjicu rada, podsjećajući da je 8. januara, davne 1537. godine, sudski ovjerena vakufnama kojom je Gazi Husrev-beg osnovao biblioteku u Sarajevu.



Brojni ugledni gosti, predstavnici Islamske zajednice u BiH, politički i državni dužnosnici, pripadnici diplomatskog kora u BiH, zvanice iz akademske zajednice, kulturnog i društvenog života su, tokom proteklih deset godina, prisustvovali svečanim obilježavanjima godišnjica Gazi Husrev-begove biblioteke. Uz redovna prigodna obraćanja Direktora Biblioteke u ulozi domaćina i reisul-uleme Husein-ef. Kavazovića, ugostili smo mnoge eminentne stručnjake koji su prisutnima držali stručna tematska predavanja. Među njima su rahmetli prof. dr. Fikret Karčić koji je 2015. godine govorio na temu „Gazi Husrev-begova biblioteka na pragu 21. vijeka“, dr. Mustafa Jahić s predavanjem na temu „Gazi Husrev-begova biblioteka kao kulturno-naučna ustanova“ 2016. godine, a akademik Abdulah Sidran se prisutnima obratio izlaganjem pod nazivom „Mi imamo dvije domovine: Bosnu i knjigu“ 2022. godine. Osim stručnih predavanja na godišnjicama Biblioteke upriličeno je nekoliko promocija knjiga, izdanja Biblioteke, predstavljanje projekata i drugih vidova programa. Obilježavanja se održavaju u Velikoj konferencijskoj sali Biblioteke. Publika je, između ostalog, imala priliku uživati u izlaganjima: akademika prof. dr. Enesa Karića, prof. dr. Lejle Gazić, prof. dr. Rešida Hafizovića, prof. dr. Ismeta Bušatlića, prof. dr. Alene Čatović, prof. dr.

Munira Drkića, prof. dr. Ahmeda Zildžića, prof. dr. Enes-ef. Ljevakovića, dr. Ramize Smajić i drugih uvažениh gostiju. Neke od godišnjica obogatili smo projekcijama dokumentarnih filmova, a zapažen je bio i nastup glumca sarajevskog Narodnog pozorišta Aldina Omerovića 2017. godine, koji je izveo odlomak iz monodrame „Gazi Husrev-beg“ autora Džemaludina Latića. Zatim, javnosti smo predstavili neke od naših značajnijih projekata kao što su „Digitalna biblioteka“ i projekat obrade „Hronike“ Muhameda Enverija Kadića, promovirali smo izdanja Biblioteke, te upriličili prigodne tematske izložbe.

Na ovom desetogodišnjem putu smo nastojali prepoznati nesebičnu podršku koju su nam pružali prijatelji Biblioteke. Na osnovu *Pravilnika o dodjeli priznanja Gazi Husrev-begove biblioteke*, dodijelili smo plakete, zahvalnice i priznanja istaknutim pojedincima i organizacijama za doprinos u radu Biblioteke, obogaćivanju njenih fondova poklonjenim kolekcijama knjiga, dokumenata ili muzejskih eksponata, kao i za druge vidove podrške u realizaciji različitih programa i aktivnosti Biblioteke.



Dobitnici zahvalnica su bili: dr. Mustafa Jahić, supruga rahmetli dr. Ahmeda Smajlovića Munira Smajlović, porodica Đumišić iz Banje Luke, Nedim Šuljak, generalni direktor BHRT-a Belmin Karamehmedović, Dinno Kasalo, Muharem Omerdić, Dejan Spaić, Hamdo Baščaušević, Azra Kantardžić, porodica Šaćirbegović, Ajša Zahirović, Muharem Hasanbegović, porodica Sinanbašić iz Kiseljaka, Prva policijska uprava - Policijska stanica Stari Grad, Fondacija „Hayrat Vakfi” iz Republike Turske, firma „TechSoup Balkans i Agencija Mašta” iz Sarajeva, Nacionalna i univerzitetska biblioteka BiH, Hajrudin Dino Pekarić iz Tuzle, prof. dr. Safet Halilović, Ahmed Mehmedović, prof. emeritus dr. Omer Nakičević, porodica Seida Mustafa Traljića i prof. dr. Ibrahima Bušatlije, Fakultet islamskih nauka Univerziteta u Sarajevu, Ministarstvo obrazovanja, nauke i mladih Kantona Sarajevo, Fondacija za bibliotečku djelatnost Sarajevo, Fondacija za izdavaštvo Sarajevo, načelnik Općine Novi Grad Semir Efendić, Azra Gadžo Kasumović, prof. dr. Ismet Bušatlić, emeritus prof. dr. Jusuf Ramić, Abdulah Hadžijusufović, Ibrahim Kubura, Amel Čusto, Vlada Kantona Sarajevo, Općina Trnovo na čelu sa načelnikom Ibrom Berilom, kolekcionar umjetnina porijeklom iz Katara dr. Hamid Abdulaziz El Mervani, Hadžija Halidović iz Zagreba, dr. Bilal Hasanović, Goethe Institut BiH, savjetnik za kulturu i turizam Ambassade Republike Turske u BiH Ahmet Atabaš, Hamida Karčić, Nihad Njemčević, prof. dr. Ahmet Alibašić, Fehim Škaljić, akademik Enes Karić, dr. Lejla Gazić, Ahmed Mešić, Dragan Golubović i Ministarstvo vakufa Države Katar.

Kako se 15. januara 2014. godine prelaskom u novu zgradu desila prekretnica u djelovanju Gazijine biblioteke, tako su programi svečanog obilježavanja naših godišnjica postali redovan i prepoznatljiv događaj u Sarajevu, ali i pozitivna priča koja se svake godine nanovo kazuje, izazivajući veliki interes javnosti i medija. Zahvalni smo našim donatorima, saradnicima, korisnicima naših usluga i svim našim prijateljima na saradnji i podršci koju imamo sve ovo vrijeme.





GAZI HUSREY-BEGOV A
BIBLIOTEKA
THE GAZI HUSREY-BEGOV LIBRARY

DAR DRŽAVE
KATAR
DONATED BY
THE
STATE OF QATAR

ZNAČAJNIJI NAUČNO-KULTURNI DOGAĐAJI U ORGANIZACIJI BIBLIOTEKE

8. MEĐUNARODNA KONFERENCIJA „EVROPSKE SMJERNICE ZA SARADNJU BIBLIOTEKA, ARHIVA I MUZEJA – BAM 2014“

Osma međunarodna konferencija „Evropske smjernice za saradnju biblioteka, arhiva i muzeja – BAM 2014“ održana je 10. i 11. oktobra 2014. godine. Konferenciju je organizovala Asocijacija informacionih stručnjaka – bibliotekara, arhivista i muzeologa s Gazi Husrev-begovom bibliotekom kao jednim od suorganizatora ovog značajnog događaja. Tema konferencije bila je „Kvalitet usluga i standardi“.

PROMOCIJA KNJIGE „MUSLIMANI BALKANA – ISTOČNO PITANJE U XX VIJEKU“

U organizaciji Centra za napredne studije i Gazi Husrev-begove biblioteke u Sarajevu dana 24. decembra 2014. godine u prostorijama Biblioteke upriličena je promocija knjige „Muslimani Balkana – istočno pitanje u XX vijeku“ koju je priredio prof. dr. Fikret Karčić. O

knjizi su govorili dr. Safet Bandžović, dr. Munir Mujić i prof. dr. Fikret Karčić.

RADIONICA „OVO JE I MOJE PISANO NASLIJEĐE I MOJA TRADICIJA”

Počevši od 2016. Gazi Husrev-begova biblioteka svake godine organizuje radionicu, tj. druženja i edukacije za najmlađe iz raznih ustanova koje se brinu o djeci bez roditelja ili djeci iz socijalno ugroženih porodica. Naziv radionice je „Ovo je i moje pisano naslijeđe i moja tradicija”, a njen cilj je izgradnja ljubavi i naklonosti prema bosanskohercegovačkoj kulturnoj baštini i tradiciji kod djece, a posebno prema pisanom naslijeđu, kao i razvijanje osjećaja važnosti njegovog očuvanja.

U radionicama su učestvovala djeca iz različitih programa SOS Dječjih sela BiH, lokacije Sarajevo, učenici Centra za slušnu i govornu rehabilitaciju Sarajevo, djeca iz Doma za djecu bez roditeljskog staranja Bjelave, učenici devetog razreda Zavoda za specijalno obrazovanje i odgoj djece „Mjedenica“ i drugi.



TRIBINA O HAZIMU ŠABANOVIĆU

U Velikoj sali Biblioteke je 22. marta 2017. godine upriličena tribina o Hazimu Šabanoviću. Povod tribine su bile 101. godišnjica rođenja

Šabanovića i 46 godina od njegove smrti. O životnom putu i djelu jednog od naših najznačajnijih osmanista govorili su dr. Hilmo Neimarlija, mr. Osman Lavić, mr. Ramiza Smajić, dr. Aladin Husić i dr. Adnan Kadrić.



PROMOCIJA MONOGRAFIJE GAZI HUSREV-BEGOVE BIBLIOTEKE U SARAJEVU

Gazi Husrev-begova biblioteka u Sarajevu je 11. oktobra 2017. godine organizirala Svečanu promociju Monografije Gazi Husrev-begove biblioteke koja je izdata u povodu 480 godina postojanja i djelovanja ove kulturne institucije. Promotori su bili: prof. dr. Hilmo Neimarlija, prof. dr. Lejla Gazić, dr. Aladin Husić i mr. Osman Lavić.



SUSRETI BIBLIOTEKARA USTANOVA ISLAMSKE ZAJEDNICE U BOSNI I HERCEGOVINI

Odlukom Rijaseta IZ u BiH o određivanju Gazi Husrev-begove biblioteke kao deponitne biblioteke za sve organizacije i ustanove pri Rijasetu koje imaju biblioteke u sklopu svoga djelovanja, Biblioteka je počevši od 2017. godine svake godine upriličila *Susret bibliotekara ustanova Islamske zajednice u Bosni i Hercegovini*.

Cilj ovih Susreta je umrežavanje osoblja koje vodi biblioteke u sastavu Islamske zajednice, te formiranje i uvezivanje bibliotekara radi edukacije, osposobljavanja kadra, razmjene iskustava i razvijanja međusobne saradnje kako bi se zajedničkim snagama unaprijedilo djelovanje i organiziranje ovih biblioteka.

MEĐUNARODNI SKUP „AHMED SUDI BOŠNJAK - ŽIVOT I DJELO“

U Biblioteci je 15. marta 2018. godine održan Međunarodni naučni skup „Ahmed Sudi Bošnjak - život i djelo“. Organizatori ovog skupa su bili: Gazi Husrev-begova biblioteka u Sarajevu, Fondacija Mulla Sadra iz Sarajeva i Internacionalni Microfilm Centar Noor iz New Delhija.

POETSKO-MUZIČKI PERFORMANS „MOLITVE PRISUTNIH SRCA“

U petak, 7. decembra 2018. godine u Gazi Husrev-begovoj biblioteci održan je poetsko-muzički performans pod nazivom „Molitve prisutnih srca“, koji je vodio pjesnik i publicista Mustafa Širbić. Prof. Marina Tomić s Muzičke akademije u Sarajevu, svirala je violinu, a gitaru je svirao mladi umjetnik Tarik Kamarić. Publiku je svojim vokalnim izvedbama počastio i Enes Ukić. Učešće je uzeo i maestro na koncertnoj harmonici Nihad Hrustanbegović koji je, prema riječima stručnjaka, jedan od deset najboljih svirača harmonike u svijetu.



PROMOCIJA „LEKSIKONA BOŠNJAČKE ULEME“

U sklopu obilježavanja 482. godišnjice rada Gazi Husrev-begove biblioteke 15. januara 2019. godine organizirana je promocija knjige „Leksikon bošnjačke uleme“ autora Ahmeda Mehmedovića, penzionisanog uposlenika Biblioteke. Promotori su bili akademik Rešid Hafizović, prof. dr. Ismet Bušatlić i autor Ahmed Mehmedović.



PREDRAMAZANSKI KONCERT U GAZI HUSREV-BEGOVOJ BIBLIOTECI

U Velikoj sali Gazi Husrev-begove biblioteke je 11. aprila 2019. godine održan predramazanski koncert Zejda Šote pod nazivom „Za voljeh Tebe ja“. Gost programa bio je Muhamed Mahmutović koji je čitao poeziju. Ovom prilikom Zejd Šoto je premijerno predstavio novi spot za duhovnu pjesmu „Slovo o ljubavi“.



PROMOCIJA KNJIGE „ISLAM U KULTURNOM IDENTITETU EUROPE“

U organizaciji Naučnoistraživačkog instituta „Ibn Sina“ u Sarajevu i Gazi Husrev-begove biblioteke je 15. aprila 2019. godine u Velikoj sali Gazi Husrev-begove biblioteke predstavljeno najnovije autorsko djelo prof. dr. Rešida Hafizovića „Islam u kulturnom identitetu Europe“. O knjizi su, pored autora, govorili i prof. dr. Ismet Bušatlić i doc. dr. Asim Zubčević.



PRVA MEĐUNARODNA KONFERENCIJA O ZAŠTITI PISANOG NASLIJEĐA

U organizaciji Gazi Husrev-begove biblioteke i Univerziteta u Sarajevu održana je dvodnevna „Prva međunarodna konferencija o zaštiti pisanog naslijeđa“ u Sarajevu. Konferencija je otvorena 16. septembra 2019. godine u Velikoj sali Gazi Husrev-begove biblioteke i okupila je međunarodne stručnjake konzervacije i restauracije koji



se bave bibliotečkom i arhivskom građom, te umjetninama na papiru i pergamentu. Radni dio Konferencije je nastavljen 17. septembra 2019. godine kada su svoje radove predstavili stručnjaci iz Hrvatske, Srbije, Italije, Holandije, Španije, Irske, Turske, Indije, Malezije i BiH.

NACIONALNI DAN SVJESNOSTI O BIBLIOTEKAMA

Gazi Husrev-begova biblioteka je od 2019. godine redovno učestvovala u obilježavanju Nacionalnog dana svjesnosti o bibliotekama u Bosni i Hercegovini. Prigodnim programom Biblioteka je ukazivala na značaj ovog obilježavanja.

PROMOCIJA KNJIGE „MOSTARSKO MUFTIJSTVO OD 1992. DO 2012. GODINE - ULOGA I ZNAČAJ ISLAMSKJE ZAJEDNICE U ODBRANI BOŠNJAKA I DRŽAVE BOSNE I HERCEGOVINE“

Dana 13. novembra 2019. godine u Gazi Husrev-begovoj biblioteci u Sarajevu održana je promocija knjige „Mostarsko muftijstvo od 1992. do 2012. g. – Uloga i značaj Islamske zajednice u odbrani Bošnjaka i države Bosne i Hercegovine“ čiji je autor bivši mostarski muftija Seid-ef. Smajkić. Promocija je održana u organizaciji Instituta za islamsku tradiciju Bošnjaka, Gazi Husrev-begove biblioteke i Izdavačke kuće Rijaset Islamske zajednice u BiH “El-Kalem”. Na promociji su govorili: dr. Ferid Dautović, dr. Mustafa Prljača, mr. Muharem Omerdić i dr. Ibrahim Kajan.



PROMOCIJA ZBORNIKA RADOVA „ALIJA ISAKOVIĆ I BOSANSKI JEZIK“

Institut za jezik Univerziteta u Sarajevu u saradnji s Gazi Husrev-begovom bibliotekom je 19. novembra 2019. godine organizovao promociju Zbornika radova sa simpozija „Alija Isaković i bosanski jezik“ u Gazi Husrev-begovoj biblioteci. O liku i djelu Alije Isakovića govorili su: prof. dr. Dževad Jahić, prof. dr. Alen Kalajdžija, prof. dr. Uzeir Bavčić i prof. dr. Alija Pirić.

MEĐUNARODNI SIMPOZIJ „NAUČNA MISAO IMAMA EL-MATURIDIJA (853-944)“

U Gazi Husrev-begovoj biblioteci u Sarajevu je 20. i 21. novembra 2019. godine, u organizaciji Fakulteta islamskih nauka Univerziteta u Sarajevu i Ankari, Fakulteta islamskih nauka Univerziteta Fatih Sultan Mehmet Vakıf u Istanbulu, Udruženja ilmije Islamske zajednice u BiH i Gazi Husrev-begove biblioteke u Sarajevu, održan dvodnevni međunarodni simpozij pod nazivom „Naučna misao imama El-Maturidija (853-944)“. Na otvorenju simpozija prisutnima su se obratili reisul-ulema IZ u BiH Husein-ef. Kavazović, ambasador Republike Turske u BiH Haldun Koc, direktor Uprave za obrazovanje i nauku Rijaset IZ prof. dr. Dževad Hodžić, dekan Fakulteta islamskih nauka Univerziteta u Ankari Ahmet Nedim Serinsu, koordinator TIKA-e za BiH Omer Faruk Alimci i drugi.



NAUČNI SKUP „BIBLIOGRAFIJA RADOVA O ISLAMSKOJ ZAJEDNICI“

U Gazi Husrev-begovoj biblioteci u Sarajevu je 12. decembra 2019. godine održan interni naučni skup o temi “Bibliografija radova o Islamskoj zajednici”, što je dugoročni projekat koji realiziraju Institut za islamsku tradiciju Bošnjaka, Gazi Husrev-begova biblioteka u Sarajevu, Bošnjački institut i BZK Preporod. Isti skup je održan još dva puta 2022. i 2023. godine.



GODIŠNJICA ROĐENJA MEHMED-BEGA KAPETANOVIĆA LJUBUŠAKA

Gazi Husrev-begova biblioteka i Bošnjačka zajednica kulture “Preporod” u BiH organizovali su okrugli sto povodom 180. godišnjice rođenja Mehmed-bega Kapetanovića Ljubuškaka (1839-1902). Skup je održan 18. decembra 2019. godine u Gazi Husrev-begovoj biblioteci, a na skupu su govorili mr. Osman Lavić, prof. dr. Zijad Šehić, prof. dr. Sanjin Kodrić i književnik Hadžem Hajdarević.



TRIBINA “BOŽIJI JE ISTOK, BOŽIJI JE ZAPAD...”

Gazi Husrev-begova biblioteka bila je organizator tribine pod nazivom “Božiji je Istok, Božiji je Zapad...”, koja je održana 24. decembra 2019. godine u prostorijama Biblioteke. Povod održavanja tribine jeste obilježavanje 200. godišnjice Goetheovog “Zapadno-istočnog divana”, te 100. godišnjice djela španjolskog arabiste Miguela Asina Palaciososa “Muslimanska eshatologija u Božanstvenoj komediji”, koje je objavljeno 1919. godine u Madridu. Na tribini su govorili prof. dr. Hilmo Neimarlija, akademik Enes Karić, prof. Rijad Ganibegović i prof. dr. Vahidin Preljević.



PROMOCIJA NOVIH IZDANJA GAZI HUSREV-BEGOVE BIBLIOTEKE

U centralnom dijelu programa obilježavanja 483. godišnjice Biblioteke, u januaru 2020. godine, promovirana su tri vrijedna naslova. Javnosti je predstavljeno izdanje *Katalog osmanskih dokumenata Gazi Husrev-begove biblioteke, tom 1*, koji je priredila Azra Gadžo Kasumović, zatim djelo *Trajnost islamskog naslijeđa: rukopisi Gazi Husrev-begove biblioteke* autora dr. Mustafe Jahića i knjiga *Iz rukopisnog blaga Gazi Husrev-begove biblioteke* autora hafiza Hase Popare. Promotori su bili prof. dr. Alena Čatović, prof. dr. Munir Drkić i doc. dr. Ahmed Zildžić.

PREDAVANJE DR. OMARA SULEIMANA

U organizaciji Fakulteta islamskih nauka i Gazi Husrev-begove biblioteke, u petak, 16. decembra 2021. godine, upriličeno je predavanje dr. Omara Suleimana o temi „How bad times bring out the best in us“ (Kako teška vremena izvlače najbolje iz nas).



PREDAVANJE “ULOGA GAZI HUSREV-BEGA U IZGRADNJI SARAJEVA”

U povodu obilježavanja Dana grada Sarajeva Gazi Husrev-begova biblioteka je 5. aprila 2022. godine organizovala predavanje “Uloga Gazi Husrev-bega u izgradnji Sarajeva” u Centru za kulturu i edukaciju “Safet Zajko”. Predavanje je održala dr. Ramiza Smajić.



VEČER POEZIJE S MUSTAFOM ŠIRBIĆEM

Gazi Husrev-begova biblioteka u Sarajevu i Media centar Islamske zajednice u BiH su 15. aprila 2022. godine organizovali večer poezije s publicistom i pjesnikom Mustafom Širbićem koji je kazivao svoje stihove pod naslovom “Bog, čovjek i tišina”. Svojim muzičkim interpretacijama ovu ramazansku noć su uljepšali Eldin Huseinbegović, Latif Moćević, Enes Ukić i Armin Hodžić.



UČEŠĆE NA XXXIII INTERNACIONALNOM SARAJEVSKOM SAJMU KNJIGA I UČILA

Gazi Husrev-begova biblioteka je bila dio XXXIII internacionalnog sarajevskog sajma knjiga i učila. Tom prilikom osim predavljanja izdanja Biblioteke povodom 23. aprila, Svjetskog dana knjige i autorskih prava, uručene su i vrijedne nagrade za prva 23 gosta koja su posjetila štand Biblioteke.



PROMOCIJA NOVIH IZDANJA GAZI HUSREV-BEGOVE BIBLIOTEKE U SARAJEVU

Promocija tri nova izdanja Gazi Husrev-begove biblioteke u Sarajevu održana je 31. maja 2022. godine u Srednjoj sali Biblioteke. Ovom prilikom predstavljena su izdanja „Trajnost islamskog naslijeđa” i „Historija arapske gramatike” autora Mustafe Jahića, te „Kadiluk Tešanji u drugoj polovini 18. stoljeća” autora Aladina Husića. Nakon obraćanja direktora Uprave za obrazovanje i nauku Rijaseta Islamske zajednice u BiH dr. Dževada Hodžića u svojstvu promotora govorili su dr. Ismet Bušatlić, dr. Munir Mujić, dr. Mustafa Jahić i mr. Osman Lavić.



MANIFESTACIJA „PAMĆENJE SVIJETA - OTRGNUTO OD ZABORAVA“

Gazi Husrev-begova biblioteka je dvije godine zaredom, 2022. i 2023. organizovala manifestaciju pod nazivom „Pamćenje svijeta – otrgnuto od zaborava“. Povod prve manifestacije je 30. godišnjica uspostavljanja UNESCO registra „Memory of the World“ (Pamćenje svijeta) u koji je upisana i rukopisna zbirka Gazi Husrev-begove biblioteke.



U sklopu manifestacije organizovano je desetak različitih događaja (poetsko veče, izložbe, predavanja za bibliotekare, debatni turniri, posjete osnovaca, posjete djece osjetljivih društvenih kategorija, organizacija radionica, projekcija igrano-dokumentarnog filma o Biblioteci) sve ovo s ciljem promocije i podizanja svijesti o važnosti razumijevanja kulturne baštine, posebno među mlađom populacijom.



PROMOCIJA MONOGRAFIJE “MUFTIJE MOSTARA I HERCEGOVINE”

U organizaciji Muftijstva mostarskog i Gazi Husrev-begove biblioteke 30. septembra 2023. godine organizovana je promocija monografije “Muftije Mostara i Hercegovine”, autora Ahmeda Mehmedovića. O monografiji su govorili muftija mostarski mr. Salem-ef. Dedović, prof. dr. Ismet Bušatlić, mr. Osman Lavić i autor Mehmedović.



OKRUGLI STO I IZLOŽBA O MEHMEDU MUJEZINOVIĆU I FEJZULAHU HADŽIBAJRIĆU

U okviru projekta Islamske zajednice „Tezkiretnama“ u Gazi Husrev-begovoj biblioteci u Sarajevu je 10. novembra 2023. održan okrugli sto i predstavljena izložba Mehmed Mujezinović i Fejzulah Hadžibajrić, povodom 110 godina od njihovog rođenja. Na okruglom stolu su govorili: prof. dr. Ismet Bušatlić, mr. Meho Manjgo, mr. Osman Lavić, mr. Emrah Seljaci i profesor Hadžem Hajdarević.

Prigodnu izložbu o velikanima Mehmedu Mujezinoviću i Fejzulahu Hadžibajriću priredili su uposlenici Gazi Husrev-begove biblioteke Ruhulah Hodžić, Adnan Ćurovac i Ali Drkić.



PREDAVANJE I IZLOŽBA „POEZIJA BOŠNJAKA U RUKOPISIMA GAZI HUSREV-BEGOVE BIBLIOTEKE“

U ponedjeljak, 11. decembra 2023. godine u Centru za kulturu „Safet Zajko“ upriličeno je otvaranje izložbe i predavanje na temu „Poezija Bošnjaka u rukopisima Gazi Husrev-begove biblioteke“. Predavač je bio mr. Emrah Seljaci, a učenici Gazi Husrev-begove medrese su tom prilikom čitali stihove bošnjačkih pjesnika i izveli nekoliko sevda-linki. Ovo je jedan u nizu naučno-kulturnih događaja koji je Biblioteka organizovala u saradnji s Općinom Novi Grad.



PREDAVANJE „ŠTITIO SAM GAZU BIJELIM MANTILOM“

Fondacija Academia je u saradnji sa Gazi Husrev-begovom bibliotekom 22. decembra 2023. godine organizirala predavanje i svjedočanstva jednog hirurga pod nazivom „Štitio sam Gazu bijelim mantom“. Učesnici programa su bili: dr. Abdelhakim Gouda, vaskularni hirurg (Kantonalna bolnica Zenica) i Jahja Muhasilović, politolog (Odjel za Međunarodne odnose, IUS).

Dr. Gouda je sa prisutnima podijelio potresnu priču o dešavanjima u Gazi i govorio na koji način zdravstveni radnici obavljaju medicinske intervencije u tamošnjim, strahovitim uslovima. Posebno se osvrnuo na zdravstveni sistem u Pojasu Gaze prije i poslije genocida nad Palestincima. Muhasilović je prisutne upoznao s historijskim kontekstom agresije koja se dešava u Gazi i Palestini.





**BIBLIOTEKA
PROF. DR. AHMEDA
SMAJLOVIĆA**


Poklon-vakuf
Munire-hanume Smajlović

OBOGAĆIVANJE FONDOVA DAROVANIM PRIVATNIM ZBIRKAMA

Bogatstvo knjižnog fonda Gazi Husrev-begove biblioteke kroz pet stoljeća govori o poštovanju pisane riječi ovdašnjeg čovjeka. Od samog osnivanja Biblioteke 1537. godine njena građa se stalno nadopunjavala. Slijedeći primjer Gazi Husrev-bega, njenog osnivača, mnogi su poklanjali i uvakufljavali svoje cijele privatne zbirke.

Prelaskom u novu zgradu Biblioteka je dobila prostor za širenje svojih kapaciteta koji je kroz otkup, ali i poklonjenim zbirkama pojedinaca naše intelektualne zajednice, iskoristila za unapređenje bibliotečke građe u cjelini. Nabrojat ćemo važnije zbirke pristigle u posljednjih deset godina koje su našle svoje mjesto na policama Biblioteke:

1. Zbirka (oko 100 dokumenata i levhe) poznatog sarajevskog kaligrafa Behaudina Sikirića (2014);
2. Poklon zbirka (400 dokumenata, tri rukopisa, dvadeset štampanih djela i deset starih porodičnih fotografija i razglednica) sarajevske porodice Sudžuka (2014);



3. Poklon-vakuf biblioteka (preko 3.500 monografskih publikacija na arapskom jeziku, bosanskom, engleskom i francuskom jeziku, 218 naslova serijskih publikacija, 29 kutija materijala i dokumenata lične i službene arhive i jedna umjetnička slika) rahmetli prof. dr. Ahmeda Smajlovića (2014);
4. Dio privatne biblioteke (oko 500 publikacija i arhive, oko 40 kodeksa rukopisa) Muharem-ef. Omerdića (2015);
5. Poklon zbirka (935 publikacija) Muharem-ef. Hasanbegovića (2016);
6. Poklon zbirka (2.480 publikacija) dr. Nedžiba Šaćirbegovića iz SAD-a (2016);
7. Privatna arhiva (23 registratora) reisul-uleme Mustafe-ef. Cerića (2017);
8. Zbirka legat (927 naslova koji broje 1.600 svezaka na arapskom, osmanskome, perzijskom i njemačkom jeziku) Ahmed-ef. Bureka koja je prenesena s Fakulteta islamskih nauka (2017);
9. Lična arhiva reisul-uleme Džemaludina Čauševića (911 dokumenata) koju je poklonio gosp. Dejan Spaić iz Zenice (2016. i 2017);
10. Privatna biblioteka (više od 3.000 publikacija) prof. dr. Safeta Halilovića (2018);
11. Privatna biblioteka (više od 3.000 publikacija) gosp. Hajrudina Dine Pekarića (2018);
12. Vrijedna zbirka (više od 4.000 publikacija od tog broja 1.360 dokumenata) Seida M. Traljića (2019);
13. Privatna biblioteka (više od 3.000 publikacija) Merzuk-ef. Vejzagića, bivšeg uposlenika Biblioteke (2019);

14. Privatna biblioteka (3.917 monografskih publikacija, 3.644 mape i karte, te veliki broj serijskih publikacija i arhivalija) prof. Ibrahima Bušatlije (2019);
15. Privatna zbirka (63 kodeksa rukopisa) gosp. Abdulaha Hadži-jusufovića (2020);
16. Privatna biblioteka (oko 400 publikacija) gosp. Amela Čuste (2020);
17. Dio privatne biblioteke reisul-uleme Husein-ef. Kavazovića (2020);
18. Privatna biblioteka (preko 550 publikacija) gosp. Ibrahima Sma-ilagića (2021);
19. Privatna biblioteka (oko 400 publikacija) Jusufa Aličića (2021);
20. Genealoška zbirka (preko 100 naslova) prof. Ibrahima Hodžića (2021);
21. Dio privatne zbirke rahmetli dr. Fikreta Karčića i njegove su-pruge, umirovljenog sekretara Biblioteke gđe Hamide Karčić (više od 900 monografskih publikacija) (2021. i 2022);
22. Poklon zbirka u vezi s historijom, žurnalistikom, komunikolo-gijom i agresijom na Bosnu i Hercegovinu (oko 1.000 publika-cija) prof. Šemse Tucakovića (2022);
23. Privatna zbirka (143 kodeksa rukopisa, preko 1.000 dokume-nata, 420 sveski periodike; preko 650 štampanih knjiga te lična arhiva) Alije Bejtlića (2022);
24. Privatna zbirka (oko 1.000 dokumenata lične arhive) Mehmeda Mujezinovića (2023);
25. Dio privatne biblioteke (2.144 monografskih publikacija) prof. dr. Ismeta Bušatlića (2023).

Pojedinci i institucije koji su svojim poklonima također doprinijeli obogaćivanju fondova Biblioteke su: akademik Enes Karić, Mirsad Ćeman, Husnija Rizvanbegović, Mehmed-ef. Kurtić, turski umjetnici i fotografi Rehe Bilira i Ahmet Serdar Akyaya, Faruk Ibrahimović, Vil-dana i Azur Košević, Šefik Berbić, Ibrahim A. Hodžić, Amir Ljubović, Edhem-ef. Čamdžić, Safet-ef. Brkić, Meho Kalamujić i Šemsa Fehrić Mihevc, Ibrahim Kubura iz Kaknja, Mehmed i Azra Haračić, prof. dr. Azra Kurtović, Alija-ef. Muminović, Rijad-ef. Đedović, Ambasada Re-publike Turske, Turski kulturni centar „Yunus Emre“, Fondacija za bibliotečku djelatnost, Izdavačka kuća Almanah, Orijentalni institut UNSA, Ministarstvo kulture i turizma Republike Turske, Ambasada Kuvajta, Nacionalna i univerzitetska biblioteka BiH i drugi.






Od drugih vrsta zbirki i muzejskih artefakata koje je Biblioteka do-
bila ili kupila u proteklih deset godina izdajamo:

- Zbirku 14 portreta reisul-ulema Bosne i Hercegovine, kombinovanom tehnikom *lavir bajca* i olovke u boji, 2019. godine po naruđbi Biblioteka naslikao je akademski slikar iz Tešnja gospodin Ahmet Hundur;
- Konceptualni umjetnik Almir Dervišević poklonio je zbirku svojih autorskih fotografija Kudsi-šerifa i Jerusalema;
- Faruk Ibrahimović je Gazi Husrev-begovoj biblioteci poklonio 65 umjetničkih fotografija starih nišana iz Bosne i Hercegovine i Turske a koje su javnosti prezentirane na izložbi pod nazivom “Posuđeno vrijeme”.
- Dva vrijedna primjerka banjalučke serdžade došla su 2021. godine u Biblioteku kao poklon kolekcionara porijeklom iz Katara, Hameda Abdulaziza el-Merwanija, dok je još jedan primjerak stigao iz Sjedinjenih Američkih Država, a poklonio ga je bračni par Timothy i Penelope Hays;
- Zbirku od 16 radova s motivima razrušenog Mostara i Stoca sa izložbe pod nazivom „Kapi protiv zaborava“ 2023. godine poklonio je akademski slikar Halil Tikveša.
- Zbirku od 450 razglednica gradova i džamija u digitalnoj formi poklonio je gosp. Kemal Taljanović, predsjednik Društva filatelista i numizmatičara Kantona Sarajevo.







IZDANJA GAZI HUSREV-BEGOVE BIBLIOTEKE

Gazi Husrev-begova biblioteka se u svom radu uvijek bavila i izdavačkom djelatnošću. Osim godišnjaka “Anali Gazi Husrev-begove biblioteke” i “Biltena Gazi Husrev-begove biblioteke”, u proteklih deset godina objavljeni su sljedeći naslovi:

1. Susreti : izložba likovnih radova nastavnika Akademije likovnih umjetnosti u Sarajevu = Encounters : along with exhibition of artworks of Sarajevo Academy of Fine Arts professors at Gazi Husrev Bey's Library = Liqa'at
Aida Abadžić-Hodžić
Sarajevo, 2013.
2. Bosanske vakufname: (1463-1878): katalog izložbe
Aladin Husić i Osman Lavić
Sarajevo, 2013.
3. Zemaljsko vakufsko povjerenstvo za Bosnu i Hercegovinu: (1890-1895): analitički inventar
Muhamed Hodžić
Sarajevo, 2014.

4. Gazi Husrev-begova biblioteka na pragu 21. vijeka = Gazi Husrev-bey Library at the threshold of the 21st century
Fikret Karčić
Sarajevo, 2015.
5. Islamski motivi na poštanskim markama = Islamic motives on postage stamps: Sarajevo, 15. 1. 2015. - 15. 3. 2015.
Ahmed Mehmedović
Sarajevo, 2015.
6. Bosanske vasijetname na osmanskome jeziku: katalog izložbe
Azra Gadžo Kasumović
Sarajevo, 2016.
7. 22. džuz Kur'ana časno: (Banjalučki džuz)
Osman Lavić
Sarajevo, 2016.
8. Gazi Husrev-begova biblioteka: 480 godina postojanja
[Lavić, Osman... [et al.]
Sarajevo, 2017.
9. Katalog osmanskih dokumenata 1
Azra Gadžo Kasumović
Sarajevo, 2018.
10. Leksikon bošnjačke uleme
Ahmed Mehmedović
Sarajevo, 2018.
11. Reisu-l-uleme u Bosni i Hercegovini 1882-2019.: katalog izložbe
[Lavić, Osman... [et al.]
Sarajevo, 2019.
12. Trajnost islamskog naslijeđa: rukopisi Gazi Husrev-begove biblioteke
Mustafa Jahić
Sarajevo, 2019.
13. Iz rukopisnog blaga Gazi Husrev-begove biblioteke
Haso Popara
Sarajevo, 2019.
14. Prva međunarodna konferencija o zaštiti pisanog naslijeđa: knjiga sažetaka
Ruhulah Hodžić [glavni i odgovorni urednik]
Sarajevo, 2019.
15. Kadiluk Tešanj u drugoj polovini 18. stoljeća: (Tešanj, Maglaj i Žepče u svjetlu akata tešanjskog suda)
Aladin Husić
Sarajevo, 2020.
16. Bibliografija Anala Gazi Husrev-begove biblioteke. Knj. I-XL
Osman Lavić i Izudina Zukorlić
Sarajevo, 2020.
17. Zbornik radova Prve međunarodne konferencije o zaštiti pisanog naslijeđa: Sarajevo, 16. i 17. 9. 2019.
Sarajevo, 2020.
18. Historija arapske gramatike
Mustafa Jahić
Sarajevo, 2020.
19. Katalog geografskih karata Gazi Husrev-begove biblioteke u Sarajevu
Ada Pilav
Sarajevo, 2021.

20. Bosanske vakufname: (1463-1878): katalog izložbe (II izdanje)
Aladin Husić i Osman Lavić
Sarajevo, 2021.
21. Bibliografija radova o Islamskoj zajednici u Bosni i Hercegovini:
austroougarski period
[Alispahić, Zehra... [et al.]
Sarajevo, 2021.
22. Katalog izložbe blagodarja medresa
Ruhulah Hodžić i Meho Manjgo
Sarajevo, 2022.
23. Uloga i značaj Gazi Husrev-bega u historiji Bosne i Hercegovine:
zbornik radova
Sarajevo, 2022.
24. Muzej Gazi Husrev-begove biblioteke u Sarajevu = The Museum
of Gazi Husrev-beg's Library
[Lavić, Hamza ... [et al.]
Sarajevo, 2022.
25. Sidžil sarajevskog šerijatskog suda iz 1217/1802-03. godine
Abdulah Polimac i Azra Gadžo Kasumović
Sarajevo, 2023.
26. Carstvo teksta: Tuhfe-i Šahidi i njegova upotreba u osmanskoj
Bosni
Munir Drkić i Ahmed Zildžić
Sarajevo, 2023.
27. Kapi protiv zaborava: katalog izložbe = Drops against oblivion:
the catalogue of the exhibition
Sarajevo, 2023.
28. Gramatika i stilistika Kur'ana : sintaksički i semantički aspekti
kur'anskog iskaza
Mustafa Jahić
Sarajevo, 2023.
29. Bosanske biblioteke osmanskog doba
Osman Lavić
Sarajevo, 2023.
30. Anali Gazi Husrev-begove biblioteke XXXIV-XLIII
31. Bilten Gazi Husrev-begove biblioteke 2015-2023.



MUZEJ

Prvo javno biblioteka u Sarajevu jedna je od najvećih kulturnih institucija u Bosni i Hercegovini. Osnovana je 4. januara 1830 godine i od tada kontinuirano radi na očuvanju i promociji kulture. Čak tada pa se do danas, kroz više od stotinu godina u kulturnom i naučnom Sarajevu Bosne i Hercegovine.

U okviru biblioteke u ovom prostoru brojne su starije i vrijedne knjige, raskošni rukopisi, tiskane knjige, kao i različiti historijski dokumenti sa arapskim, perzijskim, bosanskim, hrvatskim, srpskim i drugim jezicima.

Biblioteka je uvrštena u svjetsku baštinu UNESCO-a kao jedna od najvrednijih kulturnih baština u svijetu. U okviru biblioteke nalaze se i vrijedni rukopisi, tiskane knjige, kao i različiti historijski dokumenti sa arapskim, perzijskim, bosanskim, hrvatskim, srpskim i drugim jezicima.

U okviru biblioteke nalaze se i vrijedni rukopisi, tiskane knjige, kao i različiti historijski dokumenti sa arapskim, perzijskim, bosanskim, hrvatskim, srpskim i drugim jezicima.

U okviru biblioteke nalaze se i vrijedni rukopisi, tiskane knjige, kao i različiti historijski dokumenti sa arapskim, perzijskim, bosanskim, hrvatskim, srpskim i drugim jezicima.

MUZEJ MUSEUM



MUZEJSKE POSTAVKE I IZLOŽBE

Primarna dužnost svake biblioteke je prikupljanje, obrađivanje, čuvanje i izdavanje građe korisnicima, a predstavljanjem te iste građe javnosti ona obogaćuje svoj rad ali i ukupni doprinos kulturnom uzdizanju jedne šire zajednice. Za izložbe možemo reći da su one javni događaji na kojima se predmeti od umjetničkog, naučnog, kulturnog, historijskog, obrazovnog ili informativnog interesa izlažu javnosti da bi se ljudi s njima upoznali. Dakle, izložbe predstavljaju komunikacijski medij koji se obraća javnosti.

Gazi Husrev-begova biblioteka je preseljenjem u novu zgradu otvorila jednu važnu stranicu ovakve vrste komunikacije s javnošću. Ne po prvi put, ali sada u reprezentativnom prostoru i mnogo češće, počela je izlagati svoju građu koja je stoljećima ranije prikupljena i brižno čuvana. Ovdje ćemo sumirati stalne postavke muzejske zbirke te naučne i kulturne izložbe koje su uposlenici Biblioteke u proteklih deset godina predstavili svojoj publici.

STALNE POSTAVKE MUZEJSKE ZBIRKE GAZI HUSREV-BEGOVE BIBLIOTEKE

Prva stalna postavka predmeta iz muzejske zbirke Biblioteke postavljena je u prvom polugodištu nakon useljenja u prostore nove zgrade (2014) i trajala je sve do 2016. godine. Tada je izložen dio ekspanata ove zbirke koji bi se mogli podijeliti u nekoliko segmenata: tarihi i drugi ekspanati od kamena (u foajeu muzeja - lapidarij); rukopisi; kaligrafski pribor, idžazetname, levhe i drugi kaligrafski uzorci; vaktije, globusi, stari satovi (zidni i džepni), rub-tahte i drugi pribor vezan za muvekkithane i računanje vremena; pečati, odlikovanja i medaljoni; nošnja uleme, predmeti i fotografije vezani za ulemu; derviši i tekije; džamijski predmeti; ekspanati vezani za svakodnevni život, kulturu stanovanja i običaje; ramazan, hadž i obredi hadža; narodne nošnje i nakit; hladno oružje. Autori ove prve postavke bile su kustosica Zemaljskog muzeja mr. Lebib Džeko i uposlenica Biblioteke Fatima Tinjak.



Druga stalna postavka realizirana je početkom 2017. godine, a na njoj su radili uposlenici Biblioteke sa stručnim saradnicima drugih kulturno-obrazovnih institucija. Postavka je podijeljena u nekoliko tematskih cjelina prema sadržaju predmeta, njihovoj namjeni i načinu na koji su korišteni, a činile su je sljedeće cjeline: islamska kaligrafija, biblioteka u ratu, mjerenje vremena, ulema, džamija i tekija,

svakodnevni život, umjetnička obrada metala, a u foajeu Muzeja nije mijenjana zbirka radova u kamenu – lapidarij. Kao posebnost ove postavke je ratna soba sjećanja na Biblioteku u ratu 1992-1995, a inspirisana ratnim danima Biblioteke i pokušajem vizualiziranja načina rada u tim okolnostima. Tom prilikom je prikazan i film „The Love of Books“ koji je producirao Oxford Film and Television Production 2011. godine u čast nesebičnosti uposlenika Biblioteke da očuvaju knjižni fond. Autori izložbe su uposlenici Biblioteke sa stručnim saradnicima.



Treća stalna postavka s izložbom nazvanom „Muzej knjige“ pripremana je u periodu pandemije koronavirusa 2020-2021. godine, a svečano otvorena 2022. godine u novom prostoru Biblioteke. Postavka je imala za cilj da se korisnicima i posjetiocima predstavi odnos prema knjizi, njen historijski put nastanka, umnožavanja, korištenja i čuvanja na prostoru Bosne i Hercegovine. Njeni ekspanati su podijeljeni na trinaest tematskih cjelina, a u fokusu je pisana riječ predstavljena u formi rukopisa, dokumenta, periodične i monografske publikacije. Tu su i biblioteke koje su čuvale knjigu, medrese kao mjesta njihovog izučavanja, štamparije koje su ih štampale i naši učenjaci koji su knjigu pisali, prepisivali, izučavali (skriptorij, kaligrafija). Sve ovo zajedno svjedoči višestoljetnoj privrženosti ovdašnjeg čovjeka pisanoj riječi.



IZLOŽBE 2013/2014.

1. Izložba pod nazivom „Vakufname iz Bosne 1463-1878.“ autora mr. Osmana Lavića i dr. Aladina Husića postavljena je 4. juna 2013. godine u novim prostorijama Biblioteke. Na izložbi su predstavljeni najznačajniji vakifi i vakufi, koji su odigrali važnu ulogu u urbanom, privrednom, kulturnoprosvjetnom i infrastrukturnom životu našeg društva. Ponovo izložena: Galerija Općine Novi Grad 22. juna 2017. godine, te 13. decembra 2022. godine u Tuzli u okviru naučne konferencije “450 godina Gazi Turali-begova vakufa”.



2. U okviru manifestacije „Šesta bijanalna konvencija Asocijacije za izučavanje perzijaniziranih društava (Sixth Biennial Convention of the Association for the Study of Persianate Societies), 3. septembra 2013. godine je u Gazi Husrev-begovoj biblioteci priređena izložba perzijskih rukopisa koji se čuvaju u ovoj biblioteci. Autor izložbe je Osman Lavić.



3. U organizaciji i prostoru Gazi Husrev-begove biblioteke je 28. novembra 2013. godine otvorena izložba likovnih radova profesora s Akademije likovnih umjetnosti u Sarajevu pod nazivom “Susreti” autorice Aide Abadžić-Hodžić. Izložba je upriličena u povodu prelaska Biblioteke u novu zgradu i priprema za njeno svečano otvaranje. Na izložbi su izloženi radovi Mirsada Konstantinovića, Amre Zulfikarpašić, Mustafe Skopljaka, Fikreta Libovca, Halila Tikveše, Salima Obralića, Seida Hasanefendića, Amele Hadžimejlić-Kečo, Dževada Hoze i Admira Mujkića.



4. Povodom svečanog otvaranja Biblioteke u januaru 2014. godine u Svečanoj sali Biblioteke postavljena je izložba „Blago koje traje“ autora Osmana Lavića i Fatime Tinjak. Izrađen je i katalog čiji tekst je iskorišten za virtuelnu verziju ove izložbe koja je bila postavljena na tadašnjoj internet stranici. (Ponovo izložena na: 507. danima Ajvatovice u Kulturnom domu „Hasan Kafija Pruščak“ u Pruscu 12. maja 2017. godine; Kulturni centar „Princeze Dževhere“ u Bugojnu od 15. do 19. maja 2017. godine.)



5. U mjesecu augustu 2014. godine u saradnji sa „Sarajevo navigatorom“ i ZUP Bašćaršija, a u okviru Prvog Sarajevo ramazan festivala, postavljena je izložba fotografija „Staro Sarajevo“ autora Ahmeda Mehmedovića. Izložba predstavlja 30 fotografija fototeke Biblioteke koje prikazuju ljude, događaje, nošnje, objekte kulture i dijelove starog Sarajeva iz austrougarskog perioda.



IZLOŽBE 2015.

6. Reisul-ulema Kavazović je 15. januara 2015. godine na svečanosti godišnjice Biblioteke otvorio izložbu ”Islamski motivi na poštanskim markama”. Izložba je sadržavala poštanske marke koje je za Biblioteku uvakufio filatelista rahmetli Ihsan Zulfikarpašić, a u drugom dijelu izložbe predstavljene su bosanskohercegovačke poštanske marke s islamskim motivima JP BH Pošta iz perioda 1993-2015. godina. Na priređivanju izložbe je, uz stručni tim iz JP BH Pošta, radio tadašnji voditelj Fonda fototeke u Biblioteci Ahmed Mehmedović.

7. Povodom obilježavanja 80. godišnjice štampanja godišnjaka *Takvim* 31. marta 2015. godine upriličena je prigodna izložba pod nazivom „Svjedok vremena – 80 godina Takvima (1934-2014)“ koja tretira dokumente i artefakte korištene za izradu kalendara i štampanje godišnjaka *Takvim* u izdanju Udruženja ilmijje, odnosno Rijasetu IZ u BiH. Autor izložbe je mr. Osman Lavić (Ponovo izložena: Gazi Husrev-begova biblioteka u Sarajevu povodom obilježavanja 85. godišnjice Takvima, 17. februara 2020. godine.)



8. Po drugi put u okviru programa 2. Sarajevo ramazan festivala u saradnji sa „Sarajevo navigatorom“ i ZUP Bašćaršija Gazi Husrev-begova biblioteka je 10. septembra 2015. godine postavila izložbu pod nazivom "Sarajevski vakufi - nekad i sad". Na izložbi je predstavljeno pet vakufnama iz druge polovine XV i prve polovine XVI stoljeća kojima se vakufe vjersko-prosvjetni, privredni i drugi objekti u Sarajevu. (Ponovo izložena u: Galerija Općine Novi Grad od 5. do 11. oktobra 2017. godine i treća po redu u okviru potpisanog sporazuma o saradnji s ovom općinom.)



9. U novembru mjesecu 2015. godine u organizaciji Instituta za bošnjačku tradiciju u Biblioteci je postavljena izložba djela Hasana Kafije Pruščaka, koja predstavlja dio njegovog intelektualnog stvaralaštva, doprinosi nauci, kulturi i društvu. Autor izložbe je mr. Osman Lavić.

IZLOŽBE 2016.

10. U povodu 479. godišnjice Biblioteke, 15. januara 2016. godine svečano je otvorena izložba pod nazivom "Bosanske vasijetname na osmanskome jeziku" autorice Azre Gadžo-Kasumović. Vasijetname su bosanske oporuke ili testamenti na osmanskome jeziku, a Biblioteka čuva oko devedeset originala ovakvih vasijetnama nastalih u periodu između 1762. i 1936. godine. Uz izložbu je štampan i katalog.




11. U sklopu manifestacije Međunarodni dan i noć muzeja pod nazivom „Muzeji i kulturni krajolici - pejzaži“ Biblioteka je 21. maja 2016. godine uzela učešće izložbom „Stare i rukopisne geografske karte iz fondova Gazi Husrev-begove biblioteke“. Autor izložbe je mr. Madžida Smajkić, konzervator i restaurator.

IZLOŽBE 2017.

12. Izložba „Izvori za historiju pismenosti BiH“, autora prof. dr. Ismeta Bušatlića, pod pokroviteljstvom Rijaseta IZ u BiH, Uprave za obrazovanje i nauku, a u organizaciji Gazi Husrev-begove biblioteke, Gazi Husrev-begove medrese i Fakulteta islamskih nauka otvorena je 13. januara 2017. godine nakon manifestacije organizirane povodom 480 godina rada Biblioteke. Izložba je upriličena povodom jubileja pet prestižnih obrazovnih i naučnih institucija Islamske zajednice u Bosni i Hercegovini i to: Gazi Husrev-begove medrese (1537-2017), Gazi Husrev-begove biblioteke (1537-2017), Šerijatske sudačke škole (1887-1937); Više islamske šerijatsko-teološke škole (1937-1945) i Islamskog teološkog fakulteta/Fakultet islamskih nauka u Sarajevu (1977-2017).



13. Nakon tribine održane u Biblioteci 22. marta 2017. godine povodom 101 godine od rođenja Hazima Šabanovića i 46 godina od njegove smrti, postavljena je izložba „Hazim Šabanović 1916–1971“. Šabanović je bio upravnik i bibliotekar Gazi Husrev-begove biblioteke od 1948. do 1950. godine te član Savjeta Biblioteke od 1967. do 1971. godine. Autori izložbe su Aladin Husić i Osman Lavić. Izložba je postavljena i u rodnom gradu Hazima Šabanovića u Visokom.



14. Izložba pod naslovom „Gazi Husrev-begova biblioteka u misiji nauke i kulture“, postavljena je u Galeriji Općine Novi Grad 7. septembra 2017. godine, a kao rezultat potpisanog sporazuma o saradnji s ovom općinom na projektima iz oblasti kulture i historijskog nasljeđa. Autori su uposlenici Biblioteke.



IZLOŽBE 2018.

15. U okviru međunarodnog naučnog skupa „Ahmed Sudi Bošnjak - život i djelo“ u Sarajevu je 15. marta 2018. godine ispred Biblioteke, kao jednog od organizatora ovog skupa, otvorena izložba pod na-

zivom „Djela Ahmeda Sudija Bošnjaka u rukopisnim zbirkama u BiH“ autora Osmana Lavića. Izložbom su predstavljena djela ovog autora koja se čuvaju u bh. rukopisnim zbirkama Gazi Husrev-begove biblioteke, Nacionalne i univerzitetske biblioteke BiH, Bošnjačkog instituta Fondacije Adil-beg Zulfikarpašić i Historijskog arhiva Sarajeva.




16. Povodom 23. godišnjice genocida u Srebrenici 10. jula 2018. godine u Gazijinoj biblioteci otvorena je izložba pod nazivom „Genocid u Srebrenici: jedanaest lekcija za budućnost“ autora Hikmeta Karčića, tadašnjeg naučnog saradnika u Institutu za islamsku tradiciju Bošnjaka. Organizator izložbe je bila Uprava za vanjske poslove i dijaspору u saradnji s Institutom za islamsku tradiciju Bošnjaka i Gazi Husrev-begova biblioteka.

17. U Nacionalnoj i sveučilišnoj knjižnici u Zagrebu je 4. septembra 2018. godine, uz promociju Monografije Gazi Husrev-begove biblioteke, upriličena i izložba „Blago koje traje“. Ovo je prerađena i dopunjena verzija izložbe nastale još 2013. godine autora mr. Osmana Lavića i Fatime Tinjak. (*Ponovo izložena*: Fakultet za islamske studije

u Novom Pazaru u sklopu promocije Monografije Gazi Husrev-begove biblioteke u Sarajevu, 27. septembra 2018. godine; Galerija Općine Novi Grad Sarajevo od 19. do 23. novembra 2018. godine; Multi-medijalna sala Opće biblioteke u Tešnju, u okviru obilježavanja Dana grada Tešnja, od 10. do 20. decembra 2018. godine; Gradska biblioteka "Vuk Karadžić" u Prijepolju, 13. juna 2019. godine.)



18. U Galeriji Općine Novi Grad Sarajevo od 15. do 19. oktobra 2018. godine predstavljena je izložba pod nazivom „Posuđeno vrijeme“. Tema izložbe bile su fotografije starih bosanskih nišana kao posebnih zapisa i svjedoka o našoj bogatoj kulturnoj prošlosti nastalih tokom 17. i 18. stoljeća diljem Bosne i Hercegovine. Autori izložbe su bili uposlenici Biblioteke.



19. Povodom obilježavanja Dana mevluda Uprava za obrazovanje i nauku Rijasetu Islamske zajednice u BiH je 19. novembra 2018. godine u auli Gazi Husrev-begove biblioteke bila organizator izložbe „Mevlud u kulturi bosanskohercegovačkih muslimana“. Autori izložbe su bili uposlenici Gazi Husrev-begove biblioteke. (Ponovo izložena: Galerija Općine Novi Grad Sarajevo, u okviru 23. manifestacije „Novogradski dani 2019“ u periodu od 4. do 10. juna 2019. godine; Galerija Bosanskog kulturnog centra u Tuzli, u organizaciji Instituta za društvena i religijska istraživanja, Gazijine biblioteke u Sarajevu, Medžlisa Islamske zajednice Tuzla i Behram-begove medrese, 26. novembra 2019. godine; Glavni ured Bošnjačkog nacionalnog vijeća u Novom Pazaru, od 28. do 15. novembra 2020. godine.)

20. Obilježavanjem manifestacije „100 godina od smrti reisa Mehmeda Teufika Azabagića 1918-2018“ u holu Gazi Husrev-begove biblioteke otvorena je izložba rukopisa i djela reisa Azabagića pod naslovom „Stogodišnjica smrti Mehmeda Teufika Azabagića“ autora mr. Osmana Lavića i mr. Mehe Manjge. Organizatori manifestacije su Uprava za obrazovanje i nauku Rijasetu Islamske zajednice u Bosni i Hercegovini, Institut za islamsku tradiciju Bošnjaka, Gazi Husrev-begova biblioteka i Institut za društvena i religijska istraživanja.



IZLOŽBE 2019.

21. Povodom nastupanja mjeseca ramazana 1440. hidžretske godine u auli Gazi Husrev-begove biblioteke je 26. aprila 2019. godine otvorena „Izložba rukopisnih džuzeva“. Izložbu su pripremili uposlenici Biblioteke uz stručnu koordinaciju prof. dr. Ismeta Bušatlića. (Ponovo postavljena: Galerija Općine Novi Grad Sarajevo, od 25. aprila do 9. maja 2022. godine; aula Biblioteke povodom ramazana, 30. marta 2023.)

22. Izložba pod nazivom “Kurban-bajram u tradiciji Bošnjaka” Gazi-jine biblioteke u Sarajevu bila je izložena u Galeriji Općine Novi Grad od 12. do 19. augusta 2019. godine. Povod organiziranja i postavljanja izložbe je obilježavanje Kurban-bajrama i podsjećanje na dugu i živu tradiciju obilježavanja Bajrama na našim prostorima. Autor izložbe je mr. Meho Manjgo, uposlenik Biblioteke.



23. Obznanjivanjem novog mandata reisul-uleme Husein-ef. Kavazovića na svečanosti održanoj 22. novembra 2019. godine Gazi Husrev-begova biblioteka je priredila izložbu „Reisu-l-uleme u Bosni i Hercegovini 1882-2019.“ Pored portreta reisul-ulema, po prvi put predstavljenih javnosti, slikanih rukom akademskog slikara iz Tešnja gospodina Ahmeta Hundura, uposlenici Biblioteke su pripremili i katalog s više informacija o samoj izložbi, te relevantnim podacima i arhivskim dokumentima vezanim za ličnosti reisul-ulema.



24. U sklopu održavanja okruglog stola 18. decembra 2019. godine, a povodom 180. godišnjice rođenja Mehmed-bega Kapetanovića Ljubušaka (1839-1902), uposlenik Biblioteke Meho Manjgo priredio je izložbu radova i djela Mehmed-bega Ljubušaka, te novinskih članaka koji govore o njemu i njegovom životu i radu.



IZLOŽBE 2020.

25. Povodom svečanog obilježavanja 483. godišnjice Biblioteke u Sarajevu, 15. januara 2020. godine pripremljena je i otvorena izložba izdanja Biblioteke. Na izložbi su predstavljena reprint izdanja najstarijih rukopisa Biblioteke, katalogi, 40 brojeva *Anala Gazi Husrev-begove biblioteke* kao i druga brojna izdanja ove kuće koja su nastajala iz njezinih bogatih fondova. Autor izložbe je Meho Manjgo.

26. U jeku pandemije koronavirusa Biblioteka je svoje djelovanje prilagodila vanrednim okolnostima online okruženja, te je povodom nastupajućeg mjeseca posta (12. aprila 2020) pripremila online izložbu pod nazivom „Ramazan u tradiciji Bošnjaka”. Autori izložbe su uposlenici Gazi Husrev-begove biblioteke, a tehničku pripremu napravio je Ali Drkić.

27. Početkom maja pripremljena je druga online izložba u povodu nastupajuće mubarek noći Lejletul-bedr pod nazivom “Mukabela i rukopisni džuzevi Kur’ana”. Izložbu je pripremio mr. Meho Manjgo, a tehnički uredio Ali Drkić.



IZLOŽBA
MUKABELA
I RUKOPISNI DŽUZEVI KUR'ANA


MUKABELA I RUKOPISNI DŽUZEVI KUR'ANA	MUKABELA U BOSNI I HERCEGOVINI	MUKABELA NA FOTOGRAFIJAMA FOTOTEKE GHB	ŽENSKA MUKABELA	MUKABELA U STAROJ PERIODICI	RUKOPISNI DŽUZEVI KUR'ANA
VAKUFI ZA SVAKODNEVNO UČENJE KUR'ANA	BOŠNIJAKINE I UČENJE KUR'ANA	DŽUZHANI (UČAČI)	VRIEME I MJESTO UČENJA DŽUZEVA	PREDMETI VEZANI ZA UČENJE I ČITANJE KUR'ANA	TERMINOLOGIJA

Pripremio: Meho Manjgo / Tehničko rješenje: Ali Drkić © 2020 Gazi Husrev-begova biblioteka

28. U Galeriji Općine Novi Grad Sarajevo otvorena je izložba “Sarajevo u Ljetopisu Mula Mustafe Bašeskije” Gazi Husrev-begove biblioteke u Sarajevu, koja je realizirana u okviru saradnje ove općine s institucijama kulture. Pored „Ljetopisa“ prikazane su biografije učenih ljudi grada Sarajeva, položaj i društveni angažman žene i sedam fotografija Sarajeva 19. i 20. stoljeća. Autor izložbe je mr. Meho Manjgo.



29. Povodom manifestacije *Dani mekteba*, svečano otvorene 31. augusta 2020. godine u organizaciji Uprave za vjerske poslove Rijaseta IZ u BiH Biblioteka je pripremila izložbu pod nazivom „Mekteb u tradiciji bosanskohercegovačkih muslimana”. Autori izložbe su Meho Manjgo i Ruhulah Hodžić. Izložba je predstavljena i na području nekoliko muftijstva IZ u BiH. (Ponovo izložena: Travnik - 3. septembar 2020, Banja Luka - 7. septembar 2020, Bihać - 8. septembar 2020, Tuzla - 9. septembar 2020, Studentski centar IZ Sarajevu - 10. septembar 2020, Goražde - 14. septembar 2020, Tešanj - 15. septembar 2020. i Mostar - 17. septembar 2020. godine.)



30. Izložba “Učene žene u Leksikonu bošnjačke uleme” koju su pripremile uposlenice Biblioteke otvorena je 6. novembra 2020. godine u Centru za kulturu Dobrinja – Vila Hadžihalilovića. Izložba je svojevrsna promocija *Leksikona bošnjačke uleme*, te predstavljanje deset Bošnjakinja, žena učenjakinja, koje su uvrštene u Leksikon. Autori izložbe su: Fatima Tinjak, Izudina Zukorlić, Amina Kadribeović-Mehić i Amela Lepir.



IZLOŽBE 2021.

31. U nastavku saradnje s Općinom Novi Grad Sarajevo u njihovoj galeriji je od 29. januara do 11. februara 2021. godine bila postavljena izložba pod nazivom “Zlatni vez”. Izložbu su pripremili Meho Manjgo, Hamza Lavić i Hamza Kurtanović.



32. Povodom obilježavanja Dana nezavisnosti BiH, Biblioteka je organizirala izložbu “Bosna i Hercegovina na starim geografskim kartama”. Izložba je svečano otvorena 26. februara 2021. godine u Galeriji Općine Novi Grad Sarajevo i predstavila je dio vrijedne dokumentacione kolekcije od 912 geografskih karata. Izložbu je pripremila grupa uposlenika Gazi Husrev-begove biblioteke.



33. Uoči mubarek noći Lejletul-bedra, 28. aprila 2021. godine, na internet stranicu Biblioteke postavljena je online izložba pod naslovom “Rukopisni mushafi”. Autori izložbe su Fatima Tinjak i Hamza Kurtanović, a tehnički urednik je Ali Drkić.

34. U povodu Dana džamija 7. maja 2021. godine u Gazi Husrev-begovoj biblioteci u Sarajevu otvorena je izložba „Beogradske džamije, 1521-1867.“ Autor izložbe je Hamza Lavić, recenzent Ismet Bušatlić, dok je za dizajn zaslužan Ali Drkić. Izložba je dostupna i u online izdanju.



35. Izložba pod nazivom „Gazi Husrev-beg i njegove zadužbine – pola milenija u službi dobra“ svečano je otvorena 22. septembra 2021. godine u okviru manifestacije „Dani Gazi Husrev-begovih hajrata“. Organizatori izložbe su Gazi Husrev-begov vakuf i Gazi Husrev-begova biblioteka, a autori su dva tima njihovih uposlenika i saradnika. (Ponovo postavljena: Centar za kulturu i edukaciju “Safet Zajko” u okviru obilježavanja Dana grada Sarajeva, 5. aprila 2022. godine.)



36. Blagodarja medresa, izložba koja je pripremljena u čast osnivanja medrese Reis Ibrahim-ef. Maglajlić, u organizaciji Uprave za obrazovanje i nauku rijaseta IZ u BiH i Gazi Husrev-begove biblioteke svečano je otvorena 5. decembra 2021. godine u Banskom dvoru u Banjoj Luci u okviru obilježavanja godišnjice rođenja reisa Maglajlića, po programu Tezkiretname.

Izložba na 48 panela, podijeljenih u pet tematskih cjelina, predstavlja, u najkraćem, historijat nastanka i razvoja medresa na ovim prostorima. Autori izložbe su uposlenici Biblioteke Ruhulah Hodžić i Meho Manjgo. Ponovo postavljena: Gradska galerija u Bihaću tokom manifestacije „Dani Medrese Reis Džemaludin-ef. Čaušević“, 23. marta 2022. godine; Gazi Husrev-begov hanikah u Sarajevu, 20. juna

2022. godine; Centar za kulturu Grada Mostara u sklopu manifestacije „Dani Karadžo-begove Medrese“, 17. septembra 2022. godine.

Izložba

BLAGODARJA MEDRESA

Izložba „Blagodarja medresa“ koju je pripremila Gazi Husrev-begova biblioteka u Sarajevu ima za cilj da prezentira historijski razvoj medresa kao tradicionalnih odgojno-obrazovnih ustanova koje baštine univerzalne islamske vrijednosti, i u kojima se stiču korisna znanja i vještine u skladu sa potrebama koje zahtijevaju društvene okolnosti i vrijeme.

Izložba je podijeljena na pet tematskih cjelina unutar kojih je prikazan historijat nastanka i razvoja medresa na ovim prostorima; arhitektura, kompleksi i nastavni planovi i programi medresa; specifičnosti

odgojno-obrazovnog rada medresa; uspjeh i društveni doprinos alumna medresa; i alumni medresa na različitim fakultetima u Bosni i Hercegovini i svijetu. Rukopisi, rukopisni i arhivski dokumenti, prilozil iz periodičnih i monografskih publikacija, fotografije i drugi korišteni materijali ukazuju na savremeni koncept medresa koje sintetiziraju univerzalne tradicijske vrijednosti i savremenu odgojno-obrazovnu praksu.

Na 49 izložbenih panela prikazan je samo jedan mali dio sveukupne povijesti medresa, predstavljenih iz svoje sadašnjosti i iz uspostavljenog

odnosa sa prošlosti koji daje nadu, ali i osvješćuje odgovornost, za budućnost. Profesori, alumni, učenice i učenici medresa, već stoljećima, promoviraju univerzalne islamske vrijednosti utemeljene na Istini, Dobru i Ljubavi. Ova izložba je stoga samo dio blagodarja koje su ovom narodu i podneblju u cjelini podarile medrese. Ona je ujedno i iskorak prema novim izazovima i uspjesima koje će vidjeti oni koji dolaze poslije nas, kao što mi svjedočimo uspjesima onih prije nas.


„I reci: Trudite se! Allah će trud vaš vidjeti, a i Poslanik Njegov i vjernici.“ (Et-Tevba, 105.)

Ruhulah Hodžić
Meho Manjgo

„Naše medrese utemeljene su u događaju prve objave na brdu Hira, u onom Džibrilovom: Čitaj! U muslimanskoj tradiciji obrazovanje je djelovanje u kojem s Bogom duhovno, emotivno, moralno i ljudski rastemo, a čitanje je čin s kojim prelazimo granice ovoga svijeta, čin u kojem stupamo u drugi svijet. Čitanje je čin unutarnjeg kretanja u kojem se susrećemo s licem svetog.“

Dževad Hodžić
Direktor Uprave za obrazovanje i nauku Rijaseta
Islamske zajednice u Bosni i Hercegovini

37. U Centru za kulturu i edukaciju „Safet Zajko“ je 13. decembra 2021. godine u organizaciji Gazi Husrev-begove biblioteke u Sarajevu, uz promociju knjige „Nasuprot zlu – muslimanske rezolucije iz 1941. godine“ postavljena je i izložba „Muslimanske rezolucije iz Drugog svjetskog rata“. Autor izložbe je mr. Meho Manjgo.



zivom „Poezija Bošnjaka u rukopisima Gazi Husrev-begove biblioteke“. Autor izložbe je Ruhulah Hodžić a tehnički urednik je Ali Drkić. (Ponovo postavljena: Centar za kulturu „Safet Zajko“, u organizaciji Biblioteke uz prigodan program i predavanje, 11. decembra 2023. godine.)




IZLOŽBE 2022.

38. Gazi Husrev-begova biblioteka u Sarajevu je 6. maja 2022. godine organizirala svečano otvaranje izložbe „Sultanske džamije u Bosni i Hercegovini“ koja je priređena u povodu obilježavanja 7. maja – Dana džamija. Izložbu su pripremili uposlenici Gazi Husrev-begove biblioteke uz mentorstvo prof. dr. Ismeta Bušatlića. (Ponovo postavljena: Dom kulture Mostar, 27. aprila 2023. i Centar za kulturu i edukaciju “Safet Zajko”, 23. oktobra 2023. godine.)

39. Svečanim otvaranjem manifestacije „Pamćenje svijeta - otrgnuto od zaborava“, 17. oktobra 2022. godine, u organizaciji Gazi Husrev-begove biblioteke, nakon poetske večeri otvorena je i izložba pod na-



40. U Gazi Husrev-begovoj biblioteci je 21. oktobra 2022. godine predstavljena izložba „Rukopisna djela andaluzijskih autora u Gazi Husrev-begovoj biblioteci u Sarajevu” kojim je svečano završena i zatvorena manifestacija „Pamćenje svijeta - otrgnuto od zaborava”. Izložba je autorsko djelo mr. Osmana Lavića. Recenzent izložbe bio je dr. Ismet Bušatlić, a tehničku pripremu su uradili Ali Drkić i Meho Manjgo.



IZLOŽBE 2023.

41. Svečano obilježavajući 486. godišnjicu postojanja i rada Gazijine biblioteke u Sarajevu, 13. januara 2023. godine, u fokus je stavljena prezentacija projekta Biblioteke, prijevoda „Hronike“ Muhameda Enverija Kadića. Ovaj događaj nadopunila je i ukasila „Izložba radova Muhameda Enverija Kadića“ koje Biblioteka čuva i ovim projektom i prijevodom njegove „Hronike“ i dalje aktualizira. Autori izložbe su Emrah Seljaci, Izudina Zukorlić i Amina Kadribegović-Mehić.



42. Izložba pod nazivom “Aladža (Hasan Nazirova) džamija” je otvorena 1. aprila 2023. godine u Foči. Kroz originalne arhivske dokumente, rukopise, objavljene radove u monografskim i serijskim publikacijama i fotografije, izložba s različitih aspekata tretira historijat, arhitektonske karakteristike, službenike i druge zanimljive detalje u vezi s kompleksom vakufa Aladža-džamije. Autori izložbe su uposlenici Gazi Husrev-begove biblioteke u Sarajevu Fatima Tinjak, Hamza Lavić, Meho Manjgo, Hamza Kurtanović i Emrah Seljaci a za dizajn je zaslužan Ali Drkić. Izložba se sastoji od ukupno trinaest panela o džamiji i haremu, skriptoriju u Foči iz 16. stoljeća, tarihima na džamiji i okolnim objektima, te ponovnoj gradnji džamije uz pregršt fotografija iz Fototeke Gazi Husrev-begove biblioteke, fotoarhiva Andreja Andrejevića i Mirze Hasanefendića. Pripremljeni paneli su darovani Aladža-džamiji, a nakon izložbe svoje mjesto će naći u novom, još nedovršenom restoranu pored ove džamije.



43. U okviru manifestacije Rijaseta IZ u BiH “Dani džemata i džamija”, koja se tradicionalno održava u maju mjesecu, 4. maja 2023. godine u Gazi Husrev-begovoj biblioteci otvorena je izložba “Džamije Bošnjaka u Istanbulu”. Autori izložbe su uposlenici Gazi Husrev-begove biblioteke u Sarajevu.

44. U Biblioteci je 7. jula 2023. godine upriličeno svečano otvaranje izložbe slikarskih radova autora Halila Tikveše, pod nazivom “Kapi protiv zaborava”. Na izložbi je predstavljeno 16 umjetničkih radova s motivima razrušenog Mostara i Stoca, koji su nastali u periodu od oktobra 1996. do februara 2000. godine. Autor je radove poklonio Biblioteci.



45. Izložba „Mehmed Mujezinović i Fejzulah Hadžibajrić“ predstavljena je 10. decembra 2023.godine u Biblioteci kao završni dio okruglog stola organizovanog povodom 110 godina njihova rođenja, a u okviru projekta Islamske zajednice „Tezkiretnama“ i kao završnica manifestacije Biblioteke “Pamćenje svijeta – otrgnuto od zaborava”. Autori izložbe su uposlenici Biblioteke Ruhulah Hodžić, Adnan Čurovac i Ali Drkić.

BIBLIOTEKA

Zadovoljstvo nam je pozvati Vas na okrugli sto i otvorenje izložbe u okviru manifestacije “Pamćenje svijeta – otrgnuto od zaborava”

Tezkiretnama

**MEHMED MUJEZINOVIĆ
I FEJZULAH HADŽIBAJRIĆ**

Učesnici:
prof. dr. Nedžad Grabus, prof. dr. Ismet Bušatić, mr. Osman Lavić,
prof. Hadžem Hajradević, mr. Meho Manjgo i mr. Emirah Seljaci

Petak, 10. 11. 2023. u 14:30 sati
Gazi Husrev-begova biblioteka u Sarajevu

A historical black and white photograph showing two men, Mehmed Mujezinović and Fejzulah Hadžibajrić, sitting at a long table. They are dressed in traditional Islamic attire, including white caps and dark jackets. The setting appears to be an outdoor or semi-outdoor area with trees in the background.

MULTIMEDIJALNA IZLOŽBA „POD NEBOM VEDRE VJERE - ISLAM I EVROPA U ISKUSTVU BOSNE“

Rijaset Islamske zajednice u Bosni i Hercegovini je u posljednje dvije godine pripremao i realizirao izložbu koja govori o bosanskim svjetovima islama, odnosno o umjetničkom, arhitektonskom, graditeljskom, naučnom, književnom i muzičkom doprinosu bosanskih muslimana evropskoj i svjetskoj civilizaciji. Izložba pod nazivom Pod nebom vedre vjere - islam i Evropa u iskustvu Bosne, bila je postavljena u Sarajevu od 11. oktobra do 18. novembra 2023. godine. Gazi Husrev-begova biblioteka je bila jedan od glavnih partnera u ovom projektu. Na izložbi je prezentirano preko 300 artefakata iz svih fondova Biblioteke. Uposlenici Biblioteke su bili uključeni u kustoski tim ovoga projekta kao i u pripremu građe, te uzeli učešća u tehničkoj organizaciji ove izložbe.




SARADNJA S MEDIJIMA

Gazi Husrev-begova biblioteka u proteklih deset godina je bogatstvom svojih fondova, raritetnih primjeraka rukopisa i arhivske građe, ali i svojom dugom historijom i značajem, kao i organiziranjem brojnih naučnih i kulturnih događaja plijenila pažnju medija i novinara. Zabilježeno je na stotine emisija, reportaža, snimljenih priloga, tekstova, intervjua s uposlenicima, priča i raznih medijskih osvrta koji su se, na ovaj ili onaj način, bavili Bibliotekom i njenim blagom. Interesovanje su najčešće iskazivale redakcije za kulturu i obrazovni sadržaj, ali i one koje prate svakodnevne vijesti, događaje i aktuelnosti.

Snimljena su i promovirana četiri dokumentarna filma o Biblioteci:

1. *Čuvar bošnjačkog naslijeđa* autorice Zehre Alispahić;
2. *Sedam slova o Gazi Husrev-begovoj biblioteci* autora Dinne Kassala i Enesa Karića;
3. *Anali Gazi Husrev-begove biblioteke* autora Muhameda Halilovića; i
4. *Muzej knjige* autorice Ehlidane Hodžić.



Također, snimljeno je ukupno 25 epizoda u četiri dokumentarna televizijska serijala:

1. *BH Fundus* – BHT1 (sedam epizoda);
2. *Sa rafa Gazi Husrev-begove biblioteke* – RTV IZ u BiH (četiri epizode);
3. *Hod vijekova* – TV TK (dvije epizode);
4. *Gazi Husrev-begova riznica* – BIR TV (dvanaest epizoda).

Osim toga, priređeno je i emitirano desetine intervjua sa stručnim osobljem i menadžmentom, kao i desetine zasebnih priloga i televizijskih priča. Printani mediji i internet portali su, također, objavili stotine reportaža, informacija, vijesti i osvrti na fondove, aktivnosti i aktuelnosti. Biblioteka je bila izrazito prisutna u javnom medijskom prostoru tokom ovih deset godina, tako da su iz nje u javni eter otišle brojne lijepe slike i informacije koje govore o njenom bogatstvu, fondovima, odjeljenjima, kulturnim događajima, manifestacijama, kao i novim uvjetima za rad.

SARADNJA SA SRODNIM INSTITUCIJAMA

U posljednjih deset godina Gazi Husrev-begova biblioteka je potpisala različite ugovore o saradnji s nekoliko značajnih institucija:

PROTOKOL O SARADNJI IZMEĐU GAZI HUSREV-BEGOVE BIBLIOTEKE I CENTRA „NOOR INTERNATIONAL MICROFILM” IZ INDIJE

Sporazum o saradnji Gazi Husrev-begove biblioteke u Sarajevu i Centra „Noor International Microfilm“ iz Nju Delhija potpisan je 28. septembra 2016. godine. Od tada se saradnja ove dvije institucije odvija na polju razmjene iskustava, obuke kadrova, restauracije starog papira i kože, te reprint izdanju rijetkih rukopisa koje posjeduje Biblioteka. Neka od djela koja je štampao Centar „Noor International Microfilm“ iz fonda Gazi Husrev-begove biblioteke su *Tadžu teradžim i Ihja ulumu-d-din*, zatim reprint izdanja Đulistana i Bustana šejha Sadija Širazija, te mnoga druga reprint izdanja vrijednih rukopisa.

PROTOKOL O SARADNJI IZMEĐU INSTITUTA YUNUS EMRE I GAZI HUSREV-BEGOVE BIBLIOTEKE

Cilj ovog protokola jeste zaštita zajedničke kulture koju imaju Bosna i Hercegovina i Turska.

SARADNJA BIBLIOTEKE I ŠKOLE "CR. FORMA" IZ CREMONE (ITALIJA) NA POLJU RESTAURACIJE STAROG PAPIRA

U sklopu sporazuma s ovom školom uspješno je završena studentska praksa Alice Ferri, u trajanju od dva mjeseca. Njena edukacija bila je fokusirana na restauraciju papira, arhivskog materijala i kože.

MEMORANDUM O SARADNJI HISTORIJSKOG ARHIVA SARAJEVO I GAZI HUSREV-BEGOVE BIBLIOTEKE

Potpisani Memorandum ima za cilj promoviranje naučno-istraživačke i stručne saradnje između dvije institucije, te saradnju na realizaciji naučno-istraživačkih projekata kojima je predmet proučavanja historija Bosne i Hercegovine.

SPORAZUM O SARADNJI PRVE BOŠNJAČKE GIMNAZIJE I GAZI HUSREV-BEGOVE BIBLIOTEKE

Sporazumom su otvorena vrata različitim oblicima saradnje ove dvije ustanove. Između ostalog, sporazumom se omogućavaju zajednički nastupi i učešće na projektima od obostranog interesa. Na ovaj će način obje institucije raditi na polju kontinuiranog obrazovanja, promicanja kulturnih vrijednosti, korištenja resursa institucija.

SARADNJA BIBLIOTEKE UNIVERZITETA U SARAJEVU I GAZI HUSREV-BEGOVE BIBLIOTEKE U SARAJEVU

Saradnja podrazumijeva intenziviranje aktivnosti u vezi s definisanjem transliteracijskog standarda obrade orijentalne građe, kao i indeksiranja naučnog časopisa Anali Gazi Husrev-begove biblioteke u dodatne međunarodne baze podataka.



MEĐUNARODNA SARADNJA GAZI HUSREV-BEGOVE BIBLIOTEKE U SARAJEVU U PROJEKTU RESILIENCE

Ovaj projekt sačinjava 13 partnera širom Evrope, s tim da će se taj broj s vremenom povećavati. Jedan od partnera je i Univerzitet u Sarajevu. U ime UNSA, poseban doprinos će dati Fakultet islamskih nauka u Sarajevu, ali i Gazi Husrev-begova biblioteka kao riznica pisanog naslijeđa koje je zasigurno veoma važan segment za izgradnju evropske naučno-istraživačke infrastrukture u oblasti religijskih znanosti.

SPORAZUM O SARADNJI S MUFTIJSTVOM TRAVNIČKIM

Potpisivanje ovih ugovora predstavlja nastavak dobre saradnje koja se posebno manifestovala kroz programske sadržaje kulturno-vjerske manifestacije “Dani Ajvatovice.” Ovi sporazumi omogućavat će razvoj specifičnih programa saradnje od obostranog interesa kroz sljedeće aktivnosti - Saradnja na realizaciji projekata, organiziranje simpozija, kulturnih manifestacija, edukacija, susreta, izložbi, promocija i drugih sličnih događaja, saradnja u izdavačkoj djelatnosti i saradnja na drugim poljima koja su od obostranog interesa.

SARADNJA S ALA-OM NA ILNP PROJEKTU

Program ILNP modeliran je prema programu Međunarodne mreže bibliotekara (ILN) s ciljem pomaganja bibliotekarima iz cijelog svijeta da se umreže i prošire svoje vještine u bibliotekarstvu kroz program saradnje i razmjene iskustava.

SARADNJA S IRANSKIM KULTURNIM CENTROM U SARAJEVU

Iranski konzul za kulturu gospodin Mohammed Hossein Ansari je u više navrata posjetio Biblioteku, te je dogovorena saradnja u više segmenata rada, a vrlo brzo su realizirana dva projekta i to: prevođenje Prospekta GHB na perzijski jezik i povezivanje Biblioteke s Fondacijom javnih biblioteka Irana preko kojeg je organizirano studijsko putovanje naših zaposlenika u IR Iran.



PROTOKOL O SARADNJI S FONDACIJOM JAVNIH BIBLIOTEKA IRANA

Zahvaljujući ovoj saradnji dio kolektiva Gazi Husrev-begove biblioteke je putovao u Iran na studijsku posjetu. Program je podrazumijevao posjetu institucijama i ustanovama u Iranu koje se bave bibliotekarskom, arhivskom i muzejskom djelatnošću, te potpisivanje Memoranduma o saradnji s Fondacijom javnih biblioteka Irana.

SARADNJA S DIREKCIJOM ZA TURSKU DIJASPORU I SRODNE ZAJEDNICE (YTB)

Od 3. do 9. oktobra 2022. godine, grupa uposlenika Gazi Husrev-begove biblioteke boravila je na studijskom putovanju u Republici Turskoj koje je organizirala Direkcija za tursku dijasporu.

SARADNJA S TURSKOM UPRAVOM ZA MEĐUNARODNU SARADNJU I RAZVOJ (TIKA)

TIKA je podržala štampanje *Monografije Gazi Husrev-begove biblioteke* koja je izdata 2017. godine u povodu 480 godina postojanja i djelovanja ove institucije.

SARADNJA S INSTITUTOM ZA HISTORIJU REPUBLIKE TURSKE (TURK TARIH KURUMU)

U saradnji s ovim institutom Gazi Husrev-begova biblioteka je realizirala projekat prevođenja *Hronike* Muhameda Enverija Kadića.



SARADNJA S MINISTARSTVIMA

Brojne projekte Biblioteke podržalo je Ministarstvo civilnih poslova Bosne i Hercegovine, te federalna i kantonalna ministarstva obrazovanja, nauke i kulture.

NOVA ČLANICA COBISS BIBLIOTEČKOG SISTEMA

Gazi Husrev-begova biblioteka u Sarajevu je 22. 12. 2023. godine, potpisala Ugovor o punopravnom članstvu biblioteka u bibliotečko-informacionom sistemu COBISS.BH sa Nacionalnom i univerzitet-skom bibliotekom Bosne i Hercegovine, čime je napravljen značajan korak ka uzajamnom obogaćivanju baza podataka u bibliotečkom sektoru. Na ovaj način, Biblioteka se pridružila velikoj porodici od preko 70 biblioteka zemalja Zapadnog Balkana sa uzajamnom katalogizacijom bibliotečke građe i uzajamnom bibliografsko-kataloškom bazom podataka. S obzirom na specifičnost građe koju Gazi Husrev-begova biblioteka posjeduje, ulaskom u ovaj sistem i COBISS baza podataka će biti značajno obogaćena, a elektronski zapisi o građi Gazi Husrev-begove biblioteke će postati vidljiviji mnogo većem broju korisnika nego što je to bio slučaj do sada.



SARADNJA S BIBLIOTEKAMA USTANOVA ISLAMSKE ZAJEDNICE U BOSNI I HERCEGOVINI

Imajući u vidu historijsku i kulturološku ulogu Gazi Husrev-begove biblioteke, te njenu funkciju deponitne biblioteke, učinili smo Biblioteku mjestom susreta bibliotekara ustanova Islamske zajednice u Bosni i Hercegovini. Biblioteke koje funkcioniraju pod okriljem Islamske zajednice djeluju u okviru različitih ustanova, organizacija i institucija, imaju svoje specifičnosti, uslužuju različite profile korisnika, susreću se s raznovrsnim problemima. Kolege bibliotekari islamskih fakulteta i medresa, te predstavnici biblioteka muftijstava i medžlisa već šest godina, na našim susretima, razmjenjuju iskustva i razgovaraju o izazovima s kojima se susreću u svakodnevnom radu. Naš zajednički cilj je podizanje standarda i postizanje što boljih rezultata u pružanju usluga onima zbog kojih i jesmo tu.

Također, kolege bibliotekari ustanova Islamske zajednice su bili naši domaćini u uzajamnim radnim posjetama koje smo upriličili kako bismo stekli uvid u stanje na terenu i kako bismo definisali korake koje je potrebno poduzeti u cilju unapređenja saradnje, usluga i standarda. Krajnji cilj ovih aktivnosti bi bio uvezivanje u jednu digi-

talnu bazu meta-podataka pri Rijasetu Islamske zajednice u Bosni i Hercegovini.

Još jedna značajna aktivnost koju Gazi Husrev-begova biblioteka provodi već duži niz godina jeste da doniranjem svojih prekobrojnih primjeraka knjiga, podržava i pomaže rad drugih manjih i slabije opremljenih biblioteka, i to ne samo onih koje djeluju u sastavu Islamske zajednice, nego i šire. Konstantno smo u procesu izdvajanja i razvrstavanja publikacija koje su višak u našim fondovima, a koje zatim prema potrebama i zahtjevima drugih biblioteka rado poklanjamo. Poklonivši, za proteklih deset godina, više od 8.000 bibliotekskih jedinica, doprinijeli smo širenju fondova drugih biblioteka i knjige smo učinili dostupnim široj društvenoj zajednici. Izuzetno smo ponosni na sve ove segmente našega rada.



Sobzirom na okolnosti pandemije, Susret bibliotekara 2021. godine je bio organiziran u vidu online prisustva predstavnika biblioteka ustanova Islamske zajednice obilježavanju 484. godišnjice rada.







POSJETE DELEGACIJA I ISTAKNUTIH POJEDINACA

U periodu od januara 2014. do januara 2024. godine Gazi Husrev-begovu biblioteku posjetilo je više stotina domaćih i stranih visokih delegacija, istaknutih naučnika i kulturnih djelatnika, vjerskih i političkih zvaničnika, diplomata i predstavnika vladinih i nevladinih organizacija. Članovi ovih delegacija imali su priliku upoznati se s kulturnom baštinom i pisanim naslijeđem Bosne i Hercegovine koje Biblioteka čuva u svojim fondovima.

Navest ćemo samo neke od brojnih gostiju i delegacija u proteklih deset godina:

Muftija Palestine i imam Mesdžidul-Aksaa iz Kudsaa - šejh Muhamed Ahmed Husein (2014), rektor Northwest Normal Univerziteta u Kini - prof. dr. Lija Zhongkui (2015), ministar kulture i turizma Republike Turske - Yalcin Topcu (2015), direktor Aleksandrijske biblioteke - Ismail Serageldin (2016), generalni direktor Turskog državnog arhiva - Ugur Unal (2016), zamjenik šefa Delegacije Evropske unije u Bosni i Hercegovini - Khaldun Sinno (2017), direktor Instituta za sabiranje i

publiciranje djela Imama Homeinija u Iranu - ajatolah Seyed Hassan Mostafavi Homeini (2017), zamjenik ministra Državne uprave za vjerske poslove u Kini - Zhang Yantong (2017), šefica postavki u Muzeju islamske umjetnosti u Dohi - Shaika Nasser al-Nasser (2017), specijalni izaslanik za promociju slobode religije i uvjerenja izvan EU - Jan Figel (2018), izvjestitelj Evropskog parlamenta za BiH - Cristian Dan Pred (2018), istaknuti sirijski učenjak - dr. Muhammed Ratib an-Nabulsi (2018), ministar za vjerska pitanja u Uredu premijera Malezije - dr. Mujahid Yusuf Rawaa (2018), specijalni izaslanik predsjednika Republike Indonezije za međureligijski i intercivilizacijski dijalog i saradnju - prof. Syafiq A. Mughni (2019), direktor Uprave za vjerska pitanja pri Ministarstvu vakufa i islamskih pitanja države Katar - Halid el-Ganim (2019), prof. Ekrem Bagirov s Instituta za rukopise Muhammad Fuzuli pri Nacionalnoj akademiji nauka Republike Azerbejdžan (2019), zamjenik Državnog arhiva Republike Sjeverne Makedonije - Muzafer Bislimi (2019), državni sekretar u Ministarstvu unutrašnjih poslova Njemačke zadužen za Njemačku konferenciju o islamu - dr. Markus Kerber (2020), predsjedavajući Komiteta za interparlamentarnu saradnju Predstavničkog doma Republike Indonezije - dr. Fadli Zon (2021), direktor Uprave vakufa u Albaniji - Eduard Shefta (2021), egipatski muftija - Ševki Ibrahim Abdulkirim Musa Allam (2021), gradonačelnik Podgorice - dr. Ivan Vuković (2022), predsjednik Velike narodne skupštine Republike Turske - Mustafa Sentop (2022), predstavnici Evangelističke crkve u Njemačkoj (2022), bivši predsjednik Republike Slovenije - Milan Kučan (2022), ministar vakufa i islamskih pitanja Države Katar - Ghanem bin Shaheen bin Ghanem Al Ghanim (2023), direktor Instituta za islamska istraživanja (ISAM) iz Istanbula - prof. dr. Mürteza Bedir (2023), glavni muftija Bugarske - dr. Mustafa Haci Alis (2023), delegacija protestantskih profesora, teologa i svećenika iz njemačke pokrajine Baden Würtemberg, predvođena prof. dr. Stefanom Schreinerom, profesorom i osnivačem Centra za islamske studije na

Univerzitetu Tübingen (2023), delegacija iz Saudijske Arabije predvođena dr. Muhammedom ibn Ali el-Abdullatifom – savjetnikom Ministra za vjerska pitanja KSA (2023), akademik Abdulah Sidran, akademik Dževad Karahasan i mnogi drugi.


GRUPNE POSJETE

Osim posjeta istaknutih delegacija, Biblioteka je u proteklih deset godina bila domaćin brojnim grupama učenika, studenata, radnih kolektiva, organizacija i neformalnih grupa posjetitelja.

Posebnu pažnju Biblioteka je posvetila tome da svoja vrata otvori učenicima osnovnih i srednjih škola kako bismo im prenijeli poruku važnosti očuvanja i proučavanja kulturne baštine i pisanog naslijeđa, te ih upoznali s mogućnostima, prilikama i prednostima za sticanje znanja i njihovu edukaciju koje im se pružaju ukoliko postanu korisnici bibliotečkih fondova i usluga.

U periodu od januara 2014. do decembra 2023. godine Biblioteku je putem organiziranih i najavljenih grupnih dolazaka posjetilo oko 15.000 učenika osnovnih škola, te oko 5.000 srednjoškolaca i studenata.







UČEŠĆE NA KONFERENCIJAMA, STRUČNIM PROGRAMIMA I STUDIJSKA PUTOVANJA

Gazi Husrev-begova biblioteka je u posljednjih deset godina predstavljena na brojnim stručnim i naučnim skupovima, okruglim stolovima, kongresima i konferencijama u državi, regionu ali i širom svijeta. Uposlenici i uposlenice Biblioteke su se trudili da na najbolji način predstave fondove Biblioteke, njene aktivnosti, ali i značaj ove ustanove za cijelu državu Bosnu i Hercegovinu.

Od 2014. godine, kada je Gazi Husrev-begova biblioteka dobila svoje novo sjedište, pa do danas, Biblioteka je izlaganjima svojih uposlenika predstavljena, između ostalog, i na sljedećim skupovima:

1. *Naučna konferencija Kultura i održivi razvoj u zemljama krize* održana u martu 2014. godine u Beogradu na kojoj je učestvovala mr. Madžida Kahteran;
2. *Stručna radionica HWB (Heritage without Borders)* održana u Gjirkasteru u Albaniji u julu 2015. godine, a na kojoj je učestvovala i mr. Madžida Kahteran;

3. Manifestacija *Sedmica biblioteka* u Turskoj koja je trajala od 28. marta do 30. aprila 2016. godine, na kojoj je direktor Biblioteke mr. Osman Lavić predstavio rad na temu "Biblioteke – zajednička memorija balkanskih zemalja";

4. *Međunarodna konferencija studija konzervacije-restauracije u Dubrovniku* koja je trajala od 21. aprila do 23. aprila 2016. godine, na kojoj je uposlenik Biblioteke Ruhulah Hodžić predstavio rad na temu "Conservation and restoration of calligraphic manuscript";

5. *Međunarodni sajam časopisa u Istanbulu* - Gazi Husrev-begova biblioteka je 2016. i 2017. godine učestvovala na 7. i 8. međunarodnom sajmu časopisa u Istanbulu, a na poziv organizatora Turskog novinskog društva (TÜRDEB) i Svjetskog novinskog društva (World Periodical Union-WPU) gdje je predstavljen časopis *ANALI* i *Bilten GHB* kao i ostala izdanja. Biblioteku su predstavljale Šahsena Đulović (2016. i 2017.) i Fatima Tinjak (2017);

6. *Tribina o Hazimu Šabanoviću* 22. marta 2017. godine na kojoj je učestvovao direktor Biblioteke mr. Osman Lavić;

7. Međunarodni skup *Ahmed Sudi Bošnjak – život i djelo* održan 15. marta 2018. godine na kojoj je učestvovao direktor Biblioteke mr. Osman Lavić;

8. Manifestacija *54. sedmica biblioteka* održana u Ankari u turskoj od 26. do 28. marta 2018. godine na kojoj je mr. Madžida Kahteran prezentovala rad Gazi Husrev-begove biblioteke sa najmlađom populacijom;

9. *Savjetovanje arhivskih radnika BiH u Brčkom* održano 2018. godine, na kojem je arhivistica Amina Kadribegović-Mehić predstavila rad na temu „Prostorni kapaciteti za smještaj arhivske građe u Gazi Husrev-begovoj biblioteci“;



10. Okrugli sto o vakufima održan 19. aprila 2018. godine u Trebinju gdje je mr. Meho Manjgo prezentovao temu „Vakufi na području Medžlisa Islamske zajednice Trebinje, nekad i sad“, a mr. Hamza Lavić temu „Muslimanske obrazovne institucije u Trebinju“;

11. *Deseta međunarodna konferencija BAM 2018* održana 26. i 27. oktobra, na kojoj su svoja izlaganja predstavile magistricе Ejla Ćurovac sa radom na temu “Digitalna biblioteka Gazi Husrev-begove biblioteke: projekat digitalizacije stare periodike” i Madžida Kahteran sa radom na temu “zaštita arhivske i bibliotečke građe od uzročnika bioloških oštećenja”;

12. *Prva međunarodna konferencija o zaštiti pisanog naslijeđa* 16. i 17. septembra 2019. godine, na kojoj su učestvovali Mevludin Kost i Ruhulah Hodžić;

13. *Stručni skup u Prijepolju* na kojem su Gazi Husrev-begovu biblioteku predstavile mr. Madžida Kahteran, Amela Lepir i Fatima Tinjak;

14. Naučni skup i projekat *Bibliografija radova o Islamskoj zajednici* koji se održava posljednje tri godine, a na kojem su učestvovali direktor Biblioteke mr. Osman Lavić, te uposlenice Biblioteke Amela Lepir, Amina Kadribegović-Mehić, Izudina Zukorlić, Fatima Tinjak i Ejla Ćurovac;

15. Projekat *Emerging international voices* koji je trajao od 2019. do 2022. godine, na kojem je učestvovala mr. Ejla Ćurovac;

16. *Internacionalna virtualna konferencija o bibliotekarstvu i informacijskim uslugama – IVCLIS 2021* u Indiji održana 9. i 10. februara 2021. godine, na kojoj je mr. Ejla Ćurovac predstavila rad na temu “Digital Library and Valuable Collection of Old Manuscripts in Gazi Husrev-bey Library Sarajevo”;



17. Prva međunarodna online konferencija DTCE21 održana 14. aprila 2021. godine, na kojoj se mr. Ejla Ćurovac predstavila s temom „A significant and valuable collection of periodicals in the Gazi Husrev-bey digital library”;

18. Treći susreti konzervatora-restauratora arhivskog gradiva, knjižnične građe i umjetnina na papiru održani od 26. do 28. maja 2021. godine u organizaciji Znanstvene knjižnice Dubrovačkih knjižnica na kojima su učestvovali mr. Madžida Kahteran i Ruhulah Hodžić;

19. IFLA WLIC 2021 koji je trajao od 17. do 19. augusta 2021. godine, na kojem je mr. Ejla Ćurovac imala dva izlaganja na temu “Design Sprint- EIV” i “Green Libraries and their role in the future”;

20. Okrugli stol Perzijsko-turski rječnik Tuhfe-i Šahidi u osmanskoj Bosni održan 21. decembra 2021. godine na kojem je učestvovao direktor mr. Osman Lavić;

21. Naučni skup s međunarodnim učešćem Imam Ebu Hanife na kojem je uposlenik Gazi Husrev-begove biblioteke mr. Hamza Lavić učestvovao s referatom “Djela Ebu Hanife u rukopisnim kolekcijama u BiH”;

22. Radionica – Očuvanje, zaštita, prezentacija arhivskih dokumenata održana 22. oktobra 2022. godine u Nacionalnoj i univerzitetskoj biblioteci BiH, na kojoj je mr. Ejla Ćurovac imala izlaganje na temu “uloga i značaj digitalne Gazi Husrev-begove biblioteke, uz poseban osvrt na digitalizirane fondove i procese rada na digitalnom repozitoriju”;

23. Savjetovanje Budućnost obrazovanja: Visoko obrazovanje za održivi razvoj 2030 održano 25. januara 2022. godine, na kojem je temu „Značaj digitalizacije i digitalnih repozitorija u vrijeme pandemije“ predstavila uposlenica Biblioteke mr. Ejla Ćurovac;



24. Projekat *Library World Tour* na kojem je učestvovala mr. Ejla Ćurovac sa tekstom “A Library without Librarian it is worthless”;

25. *Susret Riječi prijateljstva: Gazi Husrev-begovo pismo duždu Venecije* održan 10. maja 2022. godine, na kojem je direktor Biblioteke, mr, Osman Lavić održao izlaganje;



26. *RESILIENCE TNA Webinar* 10. maja 2022. godine, na kojem su mr. Šahsena Đulović i mr. Hamza Lavić govorili na temu “The Manuscript and Archive Collections of the Gazi Husrev-beg Library in Sarajevo”;

27. Seminar *Upravljanje kulturnim naslijeđem u vlasništvu Islamske zajednice u Bosni i Hercegovini* održan 18. maja 2022. godine u Mostaru na kojem je izlaganje pod nazivom “Iskustva Gazi Husrev-begove biblioteke u prikupljanju i upravljanju pokretnim naslijeđem” održao mr. Osman Lavić, a izlaganje na temu „Zaštita pisanog naslijeđa, izazovi i perspektiva“ održao Ruhulah Hodžić;

28. *IFLA WLIC kongres 2022.* održan od 26. do 29. jula 2022. godine u Dublinu na kojem su mr. Ejla Ćurovac i Adnan Ćurovac predstavili poster na temu “Gazi Husrev-beg Library Book Museum” i osvojili prvo mjesto u konkurenciji od 170 postera iz cijelog svijeta;

29. Internacionalna konferencija bibliotekara pod nazivom *Biblioteke za bolje sutra*, održana u Mostaru. Izlagač je bila bibliotekarka Amela Lepir s temom “Gazi Husrev-begova biblioteka u 21. stoljeću” s posebnim osvrtom na našu Digitalnu biblioteku;

30. Tribina Bošnjačka ulema Vareša održana 19. novembra 2022. godine na kojoj je izlaganje imao i uposlenik Gazi Husrev-begove biblioteke mr. Mustafa Berhamović. On je u svom izlaganju predstavio tri vareška imama: Muhamed-ef. Hadžibašcauševića, Jusuf-ef. Muftića i Mehmed-ef. Baltu;



31. Okrugli sto *Okićevo artikuliranje islamskog obrazovanja na razmeđu savremenosti i tradicije* na kojem je uposlenik Gazi Husrev-begove biblioteke Hamza Lavić učestvovao s referatom “Lična biblioteka Muhameda Tajiba Okića”;

32. Okrugli sto o Husein-ef. Đozi održan 17. decembra 2022. godine u Gazi Husrev-begovoj biblioteci u Sarajevu, mr. Meho Manjgo govorio na temu: „Foto-dokumentarna reportaža o Husein ef. Đozi“;

33. Regionalna naučna konferencija *Ulema na Balkanu između dva svjetska rata* na kojoj su izlaganja imali i uposlenici Gazi Husrev-begove biblioteke mr. Meho Manjgo i mr. Mustafa Berhamović. Izlaganje mr. Mehe Manjge bilo je pod nazivom “Vjersko-prosvjetni rad Ibrahima efendije Ajanovića”, a naziv teme izlaganja mr. Mustafe Berhamovića bio je “Ulema u Visokom između dva svjetska rata”;

34. *Deseti festival hrvatskih bibliobusa sa međunarodnim sudjelovanjem* i *16. okrugli sto o pokretnim knjižnicama u RH s međunarodnim sudjelovanjem* održani 26. i 27. maja 2023. godine u Splitu, na kojem su mr. Ejla Ćurovac i Adnan Ćurovac govorili na temu “Značaj bibliobusa za područne škole u Bosni i Hercegovini”;

35. *Specijalizacijski kurs za čitanje osmanskih dokumenata* koji je trajao od 3. jula do 25. septembra 2023. godine, a koji su pohađale uposlenici Gazi Husrev-begove biblioteke Amina Kadribegović-Mehić, Izudina Zukorlić i Emrah Seljaci;

36. Stručni skup s međunarodnim sudjelovanjem *Suradnja, izgradnja, nadogradnja* održan 29. septembra 2023. godine u Virovitici na kojem su mr. Ejla Ćurovac i Adnan Ćurovac predstavili temu “Volonteri u Gazi Husrev-begovoj biblioteci”;

37. Konferencija *Biblioteke za bolje sutra* održana od 19. do 21. oktobra 2023. godine u Mostaru na kojoj je mr. Madžida Kahteran imala izlaganje na temu “Konzervacija i restauracija novinskog papira sa osvrtom na AU period”;

38. Tribina pod nazivom *Biblioteke – riznice prošlosti i vakufi za budućnost* održana 24. oktobra 2023. godine u Jajcu na kojoj je učestvovao direktor mr. Osman Lavić;

39. Okrugli sto *Biblioteke i kolekcionari* održan 27. oktobra 2023. godine na kojem je rad na temu “Vrijedne privatne kolekcije u fondovima Gazi Husrev-begove biblioteke” predstavila mr. Ejla Ćurovac;

40. Znanstveno-stručni skup *Četvrti susret konzervatora-restauratora arhivskog gradiva, knjižnične građe i umjetnina na papiru* održani 8. i 9. novembra 2023. godine u Rijeci na kojima je uposlenica Biblioteke mr. Madžida Kahteran predstavila rad na temu “Konzervacija novopristigle bibliotečne građe iz privatnih biblioteka zaraženih biološkim agensima”;

41. Okrugli stol *Tezkiretnama* održan 10. novembra 2023. godine posvećen Mehmedu Mujezinoviću i Fejzulahu Hadžibajriću na kome su izlagali uposlenici mr. Osman Lavić, mr. Meho Manjgo i mr. Emrah Seljaci.

42. Učešće na Drugom međunarodnom simpozijumu o učenju turskog jezika i turkologiji, 12-15. decembar 2023. godine. Na simpoziju je učestvovao direktor mr. Osman Lavić.


U ovom periodu su uposlenici Biblioteke imali organiziranih i nekoliko studijskih putovanja – u Francusku, Indiju, Tursku i Iran. Nakon svakog studijskog putovanja, uposlenici se u svoju domovinu vrate prepuni lijepih utisaka, s novim iskustvima, idejama i planovima. Studijska putovanja obogaćuju kolektiv novim kontaktima i saznanjima. Programi putovanja najčešće podrazumijevaju posjetu institucijama i ustanovama koje se bave bibliotekarskom, arhivskom i muzejskom djelatnošću u državi koja se posjećuje, i predstavljaju iznimno bogatstvo za uposlenike koji borave na putovanju.






KONZERVACIJA I RESTAURACIJA

Gazi Husrev-begova biblioteka u javnosti je prepoznata kao institucija koja ima odlične uslove za konzervaciju i restauraciju arhivske i bibliotečke građe. U proteklih 10 godina aktivno se radilo na konzervaciji rukopisa, kao i arhivske građe na osmanskome jeziku, među kojima izdvajamo Deftere osmanskih dokumenata, dvije menšure reisu-l-ulema Džemaludin-ef. Čauševića i hafiza Sulejmana Šarca, zbirku knjiga i arhivske građe Seida M. Traljića, na čijoj se restauraciji radilo dvije godine, vrijednu zbirku geografskih karata koje datiraju od kraja osmanske vlasti u Bosni pa nadalje. Važan je bio i projekat konzervacije i restauracije Lista za politiku, pouku i zabavu „Bošnjak“ iz Fonda periodike, kao i projekat čišćenja rukopisa na kojem je bilo angažovano oko 20 studenata kao ispomoć.





Menšura reisu-l-uleme Čauševića u procesu konzervacije



Menšura reisu-l-uleme Čauševića nakon konzervacije



Menšura reisu-l-uleme Šarca nakon konzervacije



Konzervacija i restauracija biblioteke Seida M. Traljića



RAD ODJELJENJA ZA KORISNIKE

Gazi Husrev-begova biblioteka je svoje nove prostorije otvorila 2014. godine, a već u prvoj sedmici nakon svečanog otvaranja omogućila je besplatne članarine svojim posjetiocima, tako da je zabilježen veliki broj novoupisanih članova. Krajem 2015. godine brojala je oko 5.000 članova i evidentirala približno 19.000 korisničkih posjeta. Od 2016. do 2018. godine broj članova se kretao između 6.950 do 7.300, a broj posjeta od 15.000 do 18.000. Od 2019. godine bilježi se povećan broj novih učlanjenja, ali i blagi pad posjeta Biblioteci, tako da je 7.800 korisnika koristilo usluge čitaonice oko 13.000 puta. Pandemija koronavirusa je nažalost u dva navrata od marta do oktobra obustavljala naš rad s korisnicima u 2020. godini, te za taj period nemamo podataka o novopridošlim članovima i broju posjeta. Naredna 2021. godina također je obilježena pandemijom koronavirusa, te je uprkos restriktivnim mjerama čitaonica zabilježila značajan broj posjeta. U 2022. godini u Biblioteci je registrirano 840 članova koji su ostvarili oko 4.650 posjeta, a 2023. godine 827 korisnika, koji su ostvarili približno 8.150 posjeta.

DAN KORISNIKA BIBLIOTEKE

U povodu obilježavanja prve godišnjice rada u novim prostorijama, tj. u januaru 2015. godine, Gazi Husrev-begova biblioteka je po prvi put priredila druženje s najredovnijim članovima kako bi pokazala tim mladim ljudima da je njihov izbor prepoznat i cijenjen. Tom prilikom podijeljeno je deset besplatnih godišnjih članarina članovima koji su, prema bazi podataka, imali najviše registrovanih dolazaka u Biblioteku, kao i prigodni pokloni. U narednim godinama ova praksa je nastavljena.

STATISTIKA O IZNAJMLJIVANJU KNJIGA



Od otvaranja Biblioteke 2014. godine do decembra 2023. godine naši korisnici su koristili oko 19.500 publikacija. Najredovniji korisnici Biblioteke su bili studenti i istraživači, a najčešće korištene publikacije su stručna i vjerska literatura.


Tabelarni pregled iznajmljivanja knjiga po godinama:

Red. br.	Godina	Br. knjiga
1.	2014.	2.106
2.	2015.	2.236
3.	2016.	2.306
4.	2017.	2.116
5.	2018.	2.660
6.	2019.	3.152
7.	2020.	1.205
8.	2021.	778
9.	2022.	1.648
10.	2023.	1.197









GAZI HUSREV-BEGOVA
BIBLIOTEKA
U SARAJEVU

